

中 醫 改 進 研 究 會
山 西 太 原 省

醫 學 雜 誌

民 國 十 四 年 十 二 月

中 華 郵 政 特 准 掛 號
新 政 開 紙 類

第 二 十 八 冊

南 京 圖 書 館 藏

本雜誌啟事

凡訂閱本雜誌者望先寄費空函訂購恕不作覆

代派本雜誌辦法

- (一) 凡個人或團體代派本雜誌十份者贈閱一份二十份贈閱二份以上類推
- (二) 凡代派本雜誌須先繳費一半餘按期遞繳若到期未清恕不續寄
- (三) 凡願代派本雜誌者須有妥實介紹人

外界投稿簡章

- 一 各界投稿凡有關於醫藥衛生等學術者本會極其歡迎
- 一 凡經本會編入雜誌之稿計每一稿奉贈雜誌一冊如一期之內登兩三稿亦祇寄送一冊
- 一 凡永久贊助本會特別熱心或贈送書籍諸君本會按期寄送一冊
- 一 投寄稿件務請繕寫清楚圈點句讀
- 一 收受各稿本編緝處可以酌量增刪如作者不願他人增刪亦請預先聲明
- 一 所投稿件未經登載者恕不奉還
- 一 各醫藥報界有願與本會雜誌互換者本會極表同情
- 一 會內外諸君有翻譯東西最近發明之醫藥學投刊者本會尤為感綴

醫學雜誌第二十八冊

目錄

附設醫院十四年九月中西醫診治人數及比較表

專著門

靈素生理新論續

楊百城

新攷正經脈俞穴記誦篇

張壽頤

論說門

傷寒論讀法 節錄易由甫元章文鈔

范氏本草便讀序

冉雪峯

難經七衝門內經鬼門合解張壽頤

纂述門

(生理類)

風寒與人體究有何等關係葉勁秋

中西肺臟說 許伯元

(衛生類)

養生瑣言一束 沈仲圭

冬日衛生談 前人

論沐浴之原理 前人

(病理類)

纂輯中西解剖病理 楊星垣 寄謀

內經論溫註釋一束 張汝偉

衄證釋義 吳玉純

太陽爲心主解 王熾

陰暑辨

沈仲圭

論瘡

許伯元

冬溫與傷寒辨

徐世長

(診治類)

(診法)

色脈篇續

楊百城

診脈分左右三部位之原理論俞鑑泉

(治法)

歷代名醫治法彙錄續

楊百城
趙意空

(治療各稿)

注意脫疫

徐相宸

記甲子春月之麻疹

陳運峯

臍風研究

前人

天痘論治

唐忠俊

偏腦疽治愈

相里規

(藥物類)

論大黃功用

劉前英

梁上塵百草霜釜底墨

王熾

醫院煎藥規則

牛惠善

醫案門

關於腦病之療法

費夢鸞

通訊門

神州醫藥總會覆本會緘

奉天醫士公會致本會緘

陸晉笙君致本會械

本會覆陸晉笙君械

葛廉夫君致本會械

楊志一君致本會械

周禹錫君致本會械

王一仁君囑登雜誌原函

教育改進社社員湯百城 趙意空上教部械

全國教育聯會議決請教育部明定

中醫課程并列入醫學校規程案

劉蔚楚君答周君小農

俞鑑泉君致本會械

張春水君致本會械

譯叢門

梅毒治療之考察

雜俎門

龜板蘇丹波氏醫牘

星期徵稿選刊

久服滋補藥得病之治療 梁餘生

夏杪患感症日久不愈之治療 陶復泰

針灸討論會治法選刊

針量之原因 徐世長


石瀉腸覃一症針灸之異同 賈宗誼

第二十八期 目錄

謝惠書籍

吳瑞甫先生寄贈奇驗喉証明辨四部
楊燧熙先生寄贈衛生必讀一冊

中醫改進研究會附設醫院 九月份中西醫逐日診治人數比較表



秋節停診

國慶紀念停診

本省光復紀念停診

本會附設醫院九月分中醫診治人數表

內科																											名病													
背	溼	心	陽	羊	疝	腹	白	口	牙	腦	肺	頭	吐	水	腰	紅	腸	紅	喉	滑	耳	腹	腸	下	吐	風	癩	咳	溼	飲	痢	伏	胸	停	脾	發	男	女		
疼	疾	慌	縮	疔	氣	脹	帶	糜	疼	疼	燥	疼	泄	泄	疼	痢	鳴	痧	精	聾	泄	風	淋	血	濕	疾	嗽	熱	邪	疾	暑	滿	飲	溼	燒	診	治			
二	一	一	一	二	二	三		三	一	一	一	四	二	二	一	三	三	三	二	二	一	四	二	五	四	四	一	十	三	一	一	四	二	一	四	五	男	女		
		一				二				一				一							一					一	九	一			一	二			一		治	愈		
二	一	一	一	一	一	三		三	一	一		四	二	二	一	三	三	二	二	二	一	四	二	四	三	四	一	九	三	一	一	四	二	一	三	五	男	女		
		一				一				一				一	二					一					一		九	一			一	一			一		病住	院		
																																						治手	療	
																																							女	女

外科																											名病												
總	蟲	梅	魚	疔	氣	口	結	濕	腹	久	感	脊	風	經	痞	內	積	牙	腰	腿	足	肩	疔	不	驚	乾	癩	妊	乳	惡	經	筋	手	秋	羊	男	女		
計	疥	毒	口	瘡	瘡	眼	核	痺	痛	疔	胃	痛	痺	漏	積	障	塊	疼	痠	痛	腫	痛	瘡	吮	風	勞	癩	娠	多	阻	不	核	麻	燥	疔	診	治		
一	二	一	一	一			二	一		一	三	二	二			一	一	五	三	二	一	二	一	二	五							一		二	二	男	女		
七	五	一	一	一		一	一		二	一	四	一		一	二			四	一	一		三	一	三	二	三	四	二	二	五		一		一	二	治	愈		
元		一	一	一			二	一		一	三	二	二			一	一	四	三	二	一	二	一	二	五						一	一	一	一	男	女			
六		一	一	一			一		二	一	四	一		一	二		四	一			三		一	三	一	二	三	二	二	四		一		二	病住	院			
																																						治手	療
																																						女	女

本會附設醫院十月分西醫診治人數表

外科		內科		喉科		鼻科		耳科		小兒科		牙科		皮膚科		花柳科		總計	
男	女	男	女	男	女	男	女	男	女	男	女	男	女	男	女	男	女	男	女
脫臼	2	喉痛	1	耳痛	1	鼻淵	1	耳聾	1	小兒泄瀉	1	牙痛	1	疥瘡	1	魚口	2	27	27
脫臼	1	喉痛	2	耳痛	2	鼻淵	2	耳聾	2	小兒泄瀉	2	牙痛	2	疥瘡	2	魚口	1	8	8
脫臼	1	喉痛	2	耳痛	2	鼻淵	2	耳聾	2	小兒泄瀉	2	牙痛	2	疥瘡	2	魚口	2	2	2
脫臼	1	喉痛	2	耳痛	2	鼻淵	2	耳聾	2	小兒泄瀉	2	牙痛	2	疥瘡	2	魚口	1	7	7
脫臼	1	喉痛	2	耳痛	2	鼻淵	2	耳聾	2	小兒泄瀉	2	牙痛	2	疥瘡	2	魚口	1	4	4
脫臼	1	喉痛	2	耳痛	2	鼻淵	2	耳聾	2	小兒泄瀉	2	牙痛	2	疥瘡	2	魚口	1	3	3
脫臼	1	喉痛	2	耳痛	2	鼻淵	2	耳聾	2	小兒泄瀉	2	牙痛	2	疥瘡	2	魚口	1	3	3
脫臼	1	喉痛	2	耳痛	2	鼻淵	2	耳聾	2	小兒泄瀉	2	牙痛	2	疥瘡	2	魚口	1	3	3
脫臼	1	喉痛	2	耳痛	2	鼻淵	2	耳聾	2	小兒泄瀉	2	牙痛	2	疥瘡	2	魚口	1	3	3
脫臼	1	喉痛	2	耳痛	2	鼻淵	2	耳聾	2	小兒泄瀉	2	牙痛	2	疥瘡	2	魚口	1	3	3

專著門

靈素生理新論

(續二十七期)

理事
楊百城

第二章 形氣篇

第七節 論天地正陽之氣與人身正陽之氣

徐靈胎曰。天地之陽氣有二。一爲元陽之陽。一爲陰陽之陽。陰陽之陽。分於太極。既判之時。以日月爲升降。水火則其用也。與陰爲對待。而不併於陰。此天地並立之義也。元陽之陽。存於太極未判之時。以寒暑爲起伏。雷雨則其用也。與陰爲附麗。而不離乎陰。此天包地之義也。不觀於龍乎。龍者天地元陽之氣所生。藏於水而不離乎水者也。故春分陽氣上。井泉冷。龍用事而龍飛。秋分陽氣下。井泉溫。龍退蟄而能潛。人身五藏屬陰。而腎尤爲陰中之至陰。故人之元陽藏焉。據此。是腎爲藏水之藏。亦爲藏火之藏也。

第八節 論人身三陽三陰之氣離則爲三合則爲一之理

人秉陰陽水火而生。總屬一氣血耳。而氣尤在血先。世有讀傷寒論三陽三陰之說。謂皮膚肌腠。五藏六腑。各有所主之氣。恐於一陰一陽之理相背者。此蓋不知陰陽離合之道耳。夫陰陽離合之道。合則爲一。離則爲三。以三陽論之。是就一陽之氣。分而爲三也。經云太陽根於至陰。結於命門。陽明根於厲兌。結於頰大。少陽根於竅陰。結於窗籠。此三者。太陽爲開。陽明爲闔。少陽爲樞。是爲人身陽分之氣。出入表裏之關鍵也。以三陰論之。是就一陰之氣。分而爲三也。經云太陰根於隱白。結於太倉。少陰根於湧泉。結於廉泉。厥陰根於大敦。結於玉英。此三者。太陰爲開。厥陰爲闔。少陰爲樞。是爲人身陰分之氣。出入表裏之關鍵也。開闔樞利則身強。開闔樞折則病危。傷寒論分爲三陰三陽者。治病之法也。若夫養生之道。則由其分焉者。以求其合。所謂合者。乃先天之一炁。上通於肺。合宗氣而司呼吸者也。夫人自有生之後。皆屬後天。飲之食之。故藉中焦水穀之精微。以養先天之精炁。

復藉先天之精炁。以化水穀之精微。先後二天。互相資益。此即氣血之所由生化也。若不明陰陽離合之道。卽不知氣血生化之源。與夫氣血出入表裏關鍵之所在。以之治病則失法。以之養生則失道。

第九節 論人身元氣運動各器官之機能

吾觀於天之造人。其一最靈最妙之機器乎。試考汽鍋之製。而知與人身臟腑肢體各器官運動之故。其理同也。人身之內。胃爲水穀之海。交乎中焦。藉命門龍雷之火。以化生精氣。上達於肺。由是鼓動翕張。而爲往來呼吸。其精氣又灌輸於肺。敷布於經絡。用以運動五官百骸。脾在胃旁。終朝引動。壅熱氣以蒸腐水穀。故脾與胃以膜相連。胃之上口出於咽。其脈繫於舌本。是以脾胃之寒熱。可於是乎驗之。今觀於機器之有鍋鑪。猶人身之有脾與命門也。汽鍋一沸。則蒸氣上騰。猶脾胃之化生精氣也。引擎之高下低昂。猶肺之鼓動翕張也。機輪之周轉。有一定之數。猶之呼吸之氣。一呼脈二至。一吸脈二至也。輪動則衆機皆動。猶五官百骸

之效其靈也。皮帶撤去。則各輪停滯。猶脾一停歇。人即倦臥也。熱度表可驗水沸之熱度。猶舌之可驗胃中之熱度也。氣鍋之水。上下輪流更換。猶精氣之灌注。旁達也。熱度已至。則馬力充足。猶脾胃健則氣力壯盛也。汽鍋所需者煤炭之火。人身所需者命門之火。命門之火。係龍雷之火。乃陰中真陽。能化生萬物。實先天生氣之根本。近今新學說所指之電氣也。

第十節 論聲音之原理

聲音何自來乎。曰。緣於氣之動。當其靜也。空虛寥廓之中。萬籟俱寂。及乎其動。風之盪。雷之震。空界動機一發。音聲以生。而地感之。山谷之應響。川海之激流。是其徵也。而物感之。絲弦之彈撥。金石之敲擊。簫管之嘯吹。亦以發音而成聲。若夫龍吟虎嘯。獅吼猿啣。狐噪犬吠。羊咩馬嘶。與夫蟲以翼磨擦。蛙以腮鼓擊。禽以腔隨脛而低昂。凡有知覺者感之。莫不有名有狀。以傳寫其音聲。至於人爲萬物之靈。備五音五聲之全。以應萬變。其發爲音聲也。且隨所感而協乎律呂焉。肝聲呼。音近

角。調而直。音聲相應則無病。角亂則病在肝。心聲笑。音應徵。和而長。音聲相應。則無病。徵亂則病在心。脾聲歌。音應宮。大而和。音聲相應則無病。宮亂則病在脾。肺聲哭。音應商。輕而勁。音聲相應則無病。商亂則病在肺。腎聲呻。音應羽。沉而深。音聲相應則無病。羽亂則病在腎。是五臟皆有音聲之所發也。然其機果何在乎。曰在於腎。雖心主言。肺主聲。亦屬主要之器官。然猶其標也。而其本必歸於腎。腎經之脈。下貫於腎。上繫於舌本。舌之發機。其靈否不在與舌。而係乎腎脈之通塞。使此脈道阻絕不通。則舌不能發機而為瘖。內經奇病論篇。黃帝問曰。人有重身九月而瘖。此為何也。岐伯對曰。胞之絡絕也。絕謂脈不流通則不能言。非天真之氣絕也。帝曰。何以言之。岐伯曰。胞絡者繫於腎。少陰之脈貫腎繫於舌本。少陰腎脈也。故不能言。氣不榮養。故不能言。蓋時至九月。妊胎已久。兒體日大。胞室之絡脈繫於腎經者。阻絕不通。故間有為之瘖者。非人人然也。此阻絕之絕。非絕斷之謂也。帝曰。治之奈何。岐伯曰。無治也。當十月復。至十月分娩之後。胎出。則胞絡通而音聲復矣。是故腎者呼吸之根。抑亦音聲之根也。昔先王之作樂也。於易取象於豫。以雷出地中。音聲發於上。實根於下。其格理

也。精且微矣。

第十一節 論音聲所主之器官

人之發言也。則有音聲。此音聲果何器官主之乎。經言所主器官。蓋有七焉。

一喉嚨 肺之上管為喉嚨。在咽之前。主氣之呼吸。氣不利者。音聲即為之不利。

故經曰喉嚨者。氣之所以上下也。

二會厭 會厭在喉嚨之兩旁。能張能收。食入則收掩其喉。音出則開張。故經云

會厭者。音聲之戶也。

三口唇 唇開合而後語句清明。名為飛門。以象其數數動也。唇緩則音失。故輕

曰口唇者。音聲之扇也。

四舌 舌者心之苗。言為心聲。舌能辨音。故經曰舌者。音聲之機也。名曰機者。謂其伸縮轉掉

也。聲則響出於喉。音則分宮商角徵羽。由舌辨之也。

五懸雍垂 喉之上腭。有如懸雍之垂。亦名曰帝丁。音從此出。常見啞人皆無腭

醫

學

雜

醫

上帝丁。蓋會厭無關。則氣不收束。氣散則不能成音。是上帝丁居氣管之上。實主音聲。而為之關鍵。故經曰懸雍垂者。音聲之關也。

六頰類 頰類即上腭。氣從此分出於口鼻。故經曰頰類者。氣分之所洩也。

七橫骨 橫骨在舌本。心藏神而開竅於舌。故橫骨為其所使。以為發舌之機。橫

骨一名靱骨。在會厭之下。與舌根相連。主發舌者也。靱骨以膜相連。又有筋牽之。最靈動。以供心神肺氣之使。故經曰橫骨者。神氣所使。主發舌者也。未完

新考正經脈俞穴記誦編

續二十七期

名譽理事

張壽頤

三焦手少陽經脈循行經文

三焦手少陽之脈。起於小指次指之端。上出兩指之間。循手表。出臂外兩骨之間。上貫肘。循臑外上肩。而交出足少陽之後。入缺盆。交臑中。散絡心包。下膈。徧屬三焦。其支者。從臑中上出缺盆。上項。俠耳後。直上。出耳上角。以屈下頰。至頤。其支者。從耳後入耳中。出走耳前。過客主人前。交頰。至目兌眦。

(考正)循手表。今靈樞表下有腕字。甲乙經脈經。皆有腕字。惟袁刻太素無之。壽頤按。是經由指上行。出於臂外。固不能不出於腕。然曰循手表。出臂外。則不言腕。而腕自在其中。表即外也。若於手表之下。加一腕字。則此一字。不能成句。而屬上屬下。皆不可通。蓋淺者不諳文義。誤以爲不言手腕。有似脫佚。而妄補之。乃致不成句讀。不堪一至於此。直可噴飯。太素無之是也。甲乙脈經皆誤。茲依太素刪。交膻中。各本皆作布膻中。惟脈經作交膻中。壽頤按。布有散布之義。此以一脈入膻中。所以屬於上焦者。不當以分布散布取義。脈經作交膻中。乃交會上焦之意。茲據以訂正。徧。今靈樞作循。甲乙則作徧。脈經太素皆作徧。壽頤按。三焦有上中下三部。而此經脈與之連屬。則上中下三者。缺一不可。既交膻中。則屬於上焦。故必下漏以屬之中焦下焦。古人獨於此節屬字之上。加一徧字。是其心思縝密之處。止與手厥陰經條中之歷絡三焦一句。獨多一歷字者。彼此互爲呼應。必如是。乃見得三焦本非一部。始無遺漏之虞。而後人

之或謂三焦即是油膜。或謂三焦別有一物。種種嚮壁虛構。亦可不辨而自明。脈經太素作徧歷三焦者是也。靈樞甲乙皆譌。茲據以訂正。俠耳後。今靈樞作繫耳後。甲乙經脈經皆作俠。壽頤按。是經從耳後行。非維繫於耳後。不當言繫。俠卽夾字之假借。此以兩耳後之兩經而言。故曰俠。甲乙經脈經是也。今袁刻太素。正文則作係。而楊上善有註曰。係古帝反。有本作俠。是楊氏所見。亦有作俠者。蓋俠誤作係。而靈樞又改係爲繫。茲據甲乙脈經及太素註訂正。下頰之頰。靈樞甲乙脈經皆作額。壽頤按。是經從耳上角以下行至頤。不及於額。作額非是。太素作頰是也。甲乙經脈經正文雖作額。而皆有校語。云一作頰。則作頰者是。茲據以訂正。

(存疑)三焦之稱。明指此胸腹中之上中下三部而言。胸中心肺之位。則曰上焦。膈下脾胃之位。則曰中焦。腹中肝腎膀胱大小腸之位。則曰下焦。此理至淺。無事高論。參攷經文。灼然可見。故曰上焦如霧。則胸中陽氣之蒸騰也。曰中焦

如瀝。則胃中水穀之熟腐也。曰下焦如瀆。則二便通導之滯穢也。分析以形容其狀況。尤爲明白如繪。而謂此包涵胸腹全部之三焦。亦自別有一系之經脈。以與各臟各腑。別樹一幟。分道揚鑣。類乎不類。卽以經脈篇此節循行言之。所過部位。固極曲折分明。然除歷絡三焦一句以外。何以知其爲三焦之經脈。而非其他臟腑之經脈。且以本節爲病徵之。曰耳聾。渾渾惛惛。目兌背痛。頰痛。耳後肩臑肘臂外皆痛。小指次指不用。皆經脉所過之分野。謂之上焦爲病。或可免強湊合。然已與中下二焦杳不相及。又曰嗌腫喉痺。汗出。則殆以少陽相火爲病而言。更與上中下三者無一毫連屬之理。則所謂手少陽之脈者。亦何獨不可與其他臟腑相爲統系。而必系之以三焦二字。乃謂與心之包絡相爲表裏。無處不牽強硬拍。幾若呼牛呼馬。惟吾所欲。無不如志。頗覺諸臟腑之經脈病情。無此空空洞洞。痛痒不關之例。此固所以疑爲古人無中生有。藉以湊成十二經絡者也。難經獨謂三焦無名無形。確是至當不易。既統上中下三者皆

在其中。更何有形之可言。亦既無形。則經脈又將何所系之。而後人之強作解事。造出許多臆說者。亦正不足辨矣。

三焦手少陽經脈循行歌

少陽手脈統三焦。第四指端井穴標。上指外廉出手表。直行記取正中爻。循臂貫肘到臑外。肩端陷中上肩解。交過足脈少陽經。直抵大椎諸陽會。繞向缺盆乃入裏。臑中之部心包繫。貫穿鬲膜中下聯。偏屬三焦須切記。支絡復從缺盆出。上俠耳後最密切。環行耳上折於前。屈曲下頰乃至顛。一支分自耳之後。直入耳中太陽透。復出耳前到耳門。經過上關又前走。此行且與本經交。宛如頰上添三毫。上兌髮際抵外背。本經盡處指眉稍。

〔注〕三焦手少陽之脈。起於第四指端爪角甲之外側。是本經井穴之關衝穴。乃循第四指外側下廉之液門穴。過第四指本節後之中渚穴。以出手表腕上正中之陽池。循此上行手臂外側正中一行。過外關支溝會宗三陽絡四瀆諸

穴。貫肘外正中。上行臑外廉中行。歷天井清冷淵消灤臑會諸穴。乃上肩端陷中之肩髃穴。是即手太陽經之所謂肩解也。乃至缺盆上足少陽肩井穴。與足少陽陽維脈會。乃交過足少陽經。至肩井後一寸之天髃穴。以到脊骨大椎六陽齊會之上。復折向前。由缺盆而入裏。交膺中以絡心包。聯屬上焦。又下行過鬲。聯屬中下二焦。經文徧字。所當注意。其又一支。則仍出缺盆向上。過於項側之天牖穴。又兩兩從耳後上行。過翳風瘰脈顛息諸穴。乃至耳上髮際之角孫穴。又環行向前。屈曲下頰而至於頤。其又一支。利自耳後分支。逕入耳中。以會手太陽經之聽宮穴。即自耳中出走耳前之耳門穴。上行過足少陽經之客主人穴。〔亦名上關〕至此則與前從耳上角屈曲下頰之本經。交貫而上。經文之所謂交頰者。正在此間。乃一經兩絡。自爲交互。非左右兩經之交出也。今之繪經穴圖者。於此交貫之處。不得不複出一筆。是真繪事家之所謂頰上添三毫者矣。乃又上至耳前兌髮際之和髃穴。而終於目兌眥外眉後陷中之絲竹空

穴則正在眼角
眉稍間也

三焦手少陽經脈俞穴分寸歌

手少陽俞二十三。關衝穴起名指尖。液門本節岐骨縫。中渚節後陷中拈。陽池手表正當腕。外關絡穴一線貫。離池二寸記中行。更一寸兮支溝現。會宗一穴最離奇。古籍難知且闕疑。浪說腕間亦三寸。空中有穴又誰欺。此去乃求三陽絡。溝上一寸又確鑿。復上一步四瀆來。肘前五寸易探索。肘後一寸天之井。更上二寸淵。清冷。從此推尋肩下端。臑外對腋消灤認。離肩三寸臑之會。肩頭陷中肩膠在。缺盆而上問天膠。肩井後邊大骨外。〔肩井膽足少陽經穴〕天容穴後天柱前。完骨之下天牖聯。〔天容小腸手太陽經穴。天柱膀胱足太陽經穴。完骨膽足少陽經穴。〕耳後翳風又瘰脈。上尋顛息青絡邊。〔翳風瘰脈。顛息三穴皆在耳後。翳風居下。瘰脈居中。顛息居上。有青絡脈可辨。〕角孫乃出耳廓上。耳前起肉耳門曠。上看鬢髮是和膠。絲竹有空眉頭傍。〔傍讀依傍之傍。去聲音蒲浪切。〕

三焦手少陽經脈俞穴分寸考

關衝。在手小指次指之端。去爪甲如韭葉。壽頤按手之第四指指端爪甲角。甲乙外臺不言在外側。惟以陽經例之。多起於外側甲角。小腸手太陽經之少澤穴是其例。且液門一穴。則在手小指次指之岐骨間。中渚一穴。則在手小指次指本節後。是經之行於無名指外側明甚。故自明以來。皆謂關衝在第四指端之外側爪甲角。液門在手小指次指岐骨間陷者中。握拳取之。壽頤按液門。甲乙外臺皆如此。而元明以來各書多作液門。此熟正熟謬。雖不可考。惟以甲乙外臺。終是古本。茲從其舊。中渚。在手小指次節本節後陷者中。陽池。一名別陽。在手表腕上陷者中。外關。手少陽絡。在腕後二寸。兩骨間陷者中。支溝。在腕後三寸。兩骨之間陷者中。會宗。在腕後三寸空中。壽頤按此會宗一穴。甲乙千金千金翼外臺諸書。皆謂在腕後三寸。與支溝同一部位。最不可解。而曰空中。尤為可疑。是以明人程敬通校外臺曰。支溝在腕後三寸兩骨陷中。會宗亦在腕後三寸空中。

腕後空。惟兩骨陷中耳。別無有空也。一云在腕後三寸空中一寸。而三陽絡又在支溝上一寸。會宗故未易取也。則此穴分寸。古本必有訛誤。馬註靈樞。乃謂空中有穴。真是夢話。醫宗金鑑謂從支溝外關一寸會宗穴也。以支溝會宗。二穴相並。平直空中。相離一寸云云。則從外臺別本之空中一寸四字。而附會說之。別無古本可據。亦是臆說。爲古書作注。欲於必不可通之處。師心自用。強作解人。最是貽誤後學。大不可訓。三陽絡在臂上大交脈。支溝上一寸。四瀆在肘前五寸。外廉陷者中。天井在肘外大骨尖後一寸。兩筋間陷者中。屈肘得之。清冷淵在肘上三寸。伸肘舉臂取之。消灤在肩下臂外。開腋斜肘分下行。壽頤按分下行三字不可解。蓋言取穴之法。此三字必有誤。以外臺千金千金翼皆如是。姑仍其舊。甲乙行作肱。有校語云。一本無肱字。可知此句之訛誤多矣。金鑑改作肘上分肉間。亦是臆說。臑會一名臑窠。在臂前廉。去肩頭三寸。肩髃在肩端臑上。斜舉臂取之。天髃在缺盆上。肩大骨之後。直足少陽經肩井穴後一寸。天臑在

第二十八期 專著門

十六

頸大筋外。缺盆上。天容後。天柱前。完骨下。髮際中。上斜俠耳後一寸。翳風在耳後陷者中。按之引耳中手足少陽之會。瘰脈。一名資脈。在耳後中間。雞足青絡脈中。顛息在耳後上間青絡脈中。角孫在耳廓中間。髮際下。開口有空。手太陽手足少陽三脈之會。耳門在耳前起肉。當耳門缺者。絲竹空。一名目膠。在眉後陷者中。未完

論說門

傷寒論讀法

節錄易由甫先生元龜文鈔

傷寒論一書。為靈素以後醫學中第一書。非仲景一人之私言。實集神農黃帝伊尹以來。平脈辨證和藥製方之大成也。賴王叔和之力以存。然亦不免為其所亂。談何容易讀此一書。明以前無論矣。自明至今。注其書者不下數十家。約分兩派。一墨守。一武斷。墨守者其編次悉依叔和原本。如成無己張隱庵陳修園諸家是也。武斷者則又任意顛倒。如方有執喻嘉言黃坤載諸家是也。叔和編集。雖非原論次第。然草蛇灰線蛛絲鳥迹。脈絡正自分明。何以見之。蓋原論分六經。有六經本病。有傷寒。有中風。實分三大綱。如太陽本病。則曰太陽病。陽明本病。則曰陽明病是也。若傷寒。則曰傷寒。若中風。則曰太陽中風。陽明中風。每一方證。莫不各有標目。層次井然。一毫不紊。故原次雖為叔和所亂。然善讀者讀之。固自眉目朗然。

也。此爲第一層讀法。其次則當知有主證兼證之分。如太陽篇。太陽之爲病。脈浮頭項強痛。而惡寒。此太陽本病主證也。然但有證而無方。何以不出其方。以又爲中風及傷寒之主證。非視再其兼證。不能遽定其爲太陽本病。與爲太陽中風。或爲傷寒之繫屬太陽陽明也。故此一主證。爲太陽本病之主證。又爲中風傷寒初見太陽之主證。如兼証爲頭痛發熱。汗出惡風。脈緩。則爲太陽本病矣。是爲桂枝湯證。乃得以桂枝湯主之。論則曰太陽病頭痛發熱。汗出惡風。脈緩者。桂枝湯主之。蓋合主證兼證。乃得定爲一證。而後出其方也。如兼証爲頭痛發熱。身痛腰痛。骨節疼痛。惡風。無寒而喘者。則變爲太陽本病麻黃証矣。此太陽本病之讀法也。如兼証爲發熱。汗出惡風。脈緩。乃爲中風。論則曰太陽病發熱。汗出惡風。脈緩者。名爲中風。此乃合太陽本病之主證。再兼兼證。而定爲中風之主證。然猶未出其方。以尙有兼証。必再視之。然後可定爲太陽中風之某一方證也。若再兼鼻鳴乾嘔。則太陽中風之桂枝湯證矣。此太陽中風方之讀法也。至傷寒方證之讀法。則

又不然。太陽篇曰。太陽病。或已發熱。或未發熱。必惡寒。體痛。嘔逆。脈陰陽俱緊者。名曰傷寒。此傷寒初見。太陽主證矣。然猶未出其方者何也。則以傷寒一證。視太陽本病。與中風治法。皆不同。何也。以寒而曰傷。其受邪獨重。其見証獨不同。是有傳經與不傳經之辨焉。必視其定屬何經。不再傳他經。然後得從而治之。故其下緊接一條云。傷寒一日。太陽受之。次一條云。傷寒二三日。陽明少陽證不見者。爲不傳。此明傳經爲傷寒所獨。而又有傳經不傳之異也。如不傳經。始得從太陽治之。第五十四條云。傷寒脈浮緊。不發汗。因致衄者。麻黃湯主之。此言傷寒初起。不敢遽從太陽治之。必待其致衄。然後敢斷爲屬在太陽。始得以麻黃湯主之也。蓋傷寒初見太陽時。爲發熱惡寒。體痛嘔逆。不云有汗。則無汗可知。是故當以麻黃發之。然在太陽無汗。在陽明則有汗。一日太陽。二日即可入陽明。若以麻黃發之。必爲誤治。故治之不得不緩。所謂慎之至也。陽明篇云。傷寒發熱無汗。嘔不能食。而反汗出濇然者。是轉屬陽明也。此正緊接太陽篇傷寒主証之後。而再出其兼

証。以辨其定屬某經。其下一條。則爲太陽篇第七十二條文曰。傷寒汗出而渴者。五苓散主之。不渴者茯苓甘草湯主之。然後傷寒之治法乃出矣。故傷寒初起無汗屬太陽。至有汗則轉屬陽明。太陽本病。初起有汗。服桂枝。無汗服麻黃。傷寒初起無汗不發汗。因致衄者。乃服麻黃。有汗則須辨其渴與不渴。渴則服五苓。不渴則服桂枝甘草湯。兩證迥別。治法亦迥別。不明乎此。若見其有汗即服桂枝。無汗即服麻黃。未有不誤治者。至中風治法。則又不然。初起有汗服桂枝湯。無汗須服大青龍。此又不可不知者。舉一反三。作者試依此例。再取風寒論讀之。必恍然悟矣。古人著書。體例極嚴。如太陽主證。首出頭項強痛而惡寒兩證。後出兼證。乃不復言此兩證。但以太陽病三字代之。所謂省文法也。試讀太陽本病桂枝麻黃兩證。一則曰太陽病頭痛發熱汗出惡風者桂枝湯主之。一則曰太陽病頭痛發熱身痛腰痛骨節疼惡風無汗而喘者麻黃湯主之。皆不復云惡寒。非此兩證不惡寒也。以主證中已見。故不重言之也。而頭痛與頭項強痛之分別。亦並見於此矣。

蓋頭項強痛者。頭項相連處強而後痛。頭痛者頭前兩太陽穴痛也。兩太陽穴痛。故知其爲太陽本病。若中風。若傷寒。皆不言頭痛。此其別也。前人皆未見及此。致謂太陽謂太陽本病之桂枝證爲重出。爲衍文。不知太陽本病之桂枝湯證。爲頭項強痛。爲惡寒。爲發熱。爲頭痛。爲發熱。爲汗出惡風。而太陽中風之桂枝證。則爲頭項強痛。爲惡寒。爲發熱。爲汗出惡風。爲鼻鳴乾嘔。一多頭痛一證。一多鼻鳴乾嘔兩證。雖同爲桂枝證。其病固自不同。且其後此之傳變。尤各不同也。此讀傷寒大略也。能知如此讀法。固已思過半矣。又如合併病條云。太陽與陽明合病。必自下利。葛根湯主之。試問太陽合病。爲何病下利。何以知爲合病。但下利何以服葛根湯。誠有百思而不可得其故者。前人雖勉強附會。究未敢一用其方。不知第四十八條。所謂二陽併病者。卽此合病諸條之主證也。後有證而無方。此有方而若與證不合。合而讀之。然後知古人文法之妙。與其辨證處方之精微確當爲不可及也。方今科學競爭時代。中學不絕如綫。我輩讀古人書。非先具有特識偉力。而復矢以

篤信敏求。好學深思。不足與他人爭勝也。〔下略〕

范氏本草便讀序

名譽理事 冉雪峰

本草爲三墳之一。爲醫林最早之著作。卽爲中國最古之國粹。然漢書藝文志載黃帝內外經五十五篇。而無本草之名。漢人重考據。倘有是書。何以絕不搜集。仲景一代大醫。上承神農黃帝岐伯正傳。其傷寒論自序。亦祇云撰用素問九卷。八十一難。胎臚藥錄。亦未言及本草。則漢以前無本草之名。可斷言也。夷考本草原文。古樸簡奧。肅括宏深。爲博物之始祖。開理化之先河。以醫論。得其一。句半句。以啟化機。卽可開無限法門。而生理學。病理學。方劑學。均可從此悟出。決非後世所可假托。大抵上古未著文字。師承口授。東漢末名手類纂成書。陶貞白謂爲仲景元化所記。不爲無見。殆猶禮記之成於漢儒。而與孔子子思之言並傳也。由是觀之。是本草原於神農。成於漢末。自漢迄今。其沿革可分三期。一由簡入繁時期。本草原祇上中下三卷。序錄一卷。合四卷。其藥合三百六十五種。晉魏間吳普李當

之增爲五百九十五種。梁陶貞白增爲七百三十種。唐顯慶中增爲八百四十四種。又另撰藥圖二十五卷。圖經七卷。宋開寶嘉祐元佑大觀時一再纂集修正。增爲一千八十二種。至一千五百一十八種。又合本草圖經爲一書。明李時珍集歷代大成。引據古今醫家書目凡二百七十六家。引據古今經史百家書目凡四百四十家。爲本草綱目。凡五十二卷。一十六部。部各分類。類凡六十。增藥三百七十四種。新舊合一千八百九十二種。淹雅博通。無以復加。令人歎觀止矣。一由博反約。時期明清以來。註本草者不下數十家。其廣博不及綱目。而各出心裁。旁搜廣集。補其缺略。如趙學敏本草拾遺是。摘取大略。專發義理。如唐容川本草問答是。詳研氣化。力求精深。如張葉陳三家合註是。以經解經。類方釋藥。如黃坤載長沙藥解是。其餘如沈氏之要藥分劑明以詳。徐氏之百種錄簡而當。以及本草求真。本草原始。本草經解。本草崇源。莫不各有發明。而尤以汪氏本草備要。吳氏本草從新。參酌損益於新舊繁簡之間。爲世推重。此近今沿革之大畧也。一由理學入

科學時期。我國本草雖有簡繁博約之不同。然不論何家。無不宗依神農本草。其釋藥也。論氣論味論臭論色論頭論身論梢。論出產地。論收採時。無不本於理論。而功有專長。效如桴鼓。生剋制化之妙。即近今科學發達。尙有體會未到者。但藥系粗用。未能純取精華。原質分析。不甚明晰。此古無理化科學。限於時代之不得。不然也。方今有志之士。改良藥物。如無錫丁福保將中藥化驗多種。析其成分。瀋陽張錫純化驗中藥以代西藥。中西藥並用。河間盧謙甫將中藥化驗制成西藥。診病用西法。處方用中藥。此醫林近時之三傑也。故大勢所趨。又有由理學而入科學之勢。會通中外。放大光明。亦醫林之快事也。老友屏鳳先生海內文豪。有清末季。余備筆報界。與先生爲文字交。近年先生痛時事。目非政界。不可托足。令哲嗣文孫研究中西醫學。前歲先生出所著傷寒新淺註。醫界新機二書示余。融會古今。貫通中外。向以先生爲文學大家。不知並爲醫學大家矣。近復出所著本草便讀。囑序於余。誦讀內容。不簡不繁。亦博亦約。並溝通中西。探入丁氏化學實驗。

新本草。叶韻工。附註詳。採擇當。視張氏珍珠囊藥性賦。汪氏湯頭歌藥性歌。不啻霄壤。以云便讀。誠便讀矣。而余尤有進者。說理文字。最忌艱深。須入之極深。出之極淺。如白香山詩。老嫗都解。昔賢謂五經均有韻語。孔子讀易。並發文言一例。內經十八卷有韻語者居半數。古人於至理要道。無不窮極研稽。反復詠歎。雖曰課讀。亦卽所以適道也。先生以文學家而爲醫學家。乃著作等身。余專門醫學分子。勞人草草。愧乎不遑。以視先生。不覺悚然汗下也。俟醫校甲班畢業。執筆隨先生後。期之異日云爾。

難經七衝門內經鬼門合解

名譽
理事 張壽頤

四十四難。有七衝門之稱。命名既屬新穎。取義亦復精警。考之內經。惟魄門二字。一見於五藏制論。曰魄門亦爲五藏使。水穀不得久藏。蓋言此爲穢濁驅使之處。所以食物渣滓。不得久藏。讀法當於使字絕句。與難經下極爲魄門相合。其餘六者。皆不見於素靈甲乙。此在當日必爲醫學通用之名詞。祇以中古醫籍散亡殆

盡。今乃無復可以取証耳。夷考其義。惟飛門戶門二者詞旨淺顯。夫人能知。無煩多贅。其他則爲難經作注者。間亦各有解說。似尙粗疏。未盡合訓詁條理。今姑以一得之見。分而說之。會厭爲吸門者。則以肺管之專司呼吸者言之。會厭有門。英醫合信氏全體新論最詳。此門當吞食之時。自能緊閉氣喉。密無罅隙。食物一過。其門即開。以通呼吸。故氣喉位在食管之前。而食物下咽。乃無誤落氣管之患。若偶不慎。微有滴水半米雜入氣喉。即梗寒難堪。翕癢不止。《翕癢見玉篇》曰。物阻咽中。壽頤案。翕音胡。癢音穫。即物梗氣管。人必作翕癢之聲。以求其速出。此兩字卽以擬其聲。張氏澤存堂重刻宋本玉篇。阻誤作蛆。今商務館四部叢刊影印元坊本玉篇。翕癢兩字注中。阻皆誤作咀。惟癩字下。翕癢喉阻。不誤。設或竟不能出。則翕癢不止。大傷肺管。延及二三月之久。卽成肺勞不治。頤管兩見之。不僅中醫無可設法。卽就教西醫。亦嘆爲無可措手。難經名以吸門。明言止通呼吸。自有深意。賁門之賁。古今多讀如奔。滑伯仁本義。謂物之所奔嚮。雖未始不合於食物。

入胃之意。然食物非能自奔。則奔嚮之說。已非訓詁之真。至徐洄溪難經經釋。又本伯仁舊說而申言之曰。物入於胃。疾奔而下太倉。更說得倉皇急遽。描摹太惡。幾於志饜三日不食。喉中汨汨有聲之態。抑何可笑。乃爾。豈可謂有合於古人命名真旨。壽頤竊謂賁讀如焚。本訓爲大。此乃胃之上口。食物所入。其口較大。不比胃之下口。及小腸下口。須得食物成糜。緩緩傳遞。則胃上口之大於胃下口可知。詩賁鼓訓爲大鼓。書盤庚用宏茲賁。傳曰宏賁皆大。卽其義也。至胃之下口。則以其幽深玄遠。故名曰幽。若小腸大腸交會之處。而名曰闌門。固亦取於遮闌之義。然非以分別水穀。須知胃無消水之能。亦無泄水之路。湯飲入胃。先從胃中微絲血管吸入迴血之管。此亦合信氏之所已言。〔詳見全體新論〕任脈水分之穴。本在齊上一寸。其名極古。此穴正在胃下。古人當亦知水分於胃。而小腸下口。直接大腸。其部位乃在少腹右角。與洩溺之水全無關係。奈何洄溪之說難經。竟曰小腸之下。大腸之上。納滓穢於大腸。泌津液於膀胱。水穀於此而分別。故曰闌門。謂

闌截分別不得并出入云云。則竟說成小腸有二下口。一通大腸。一通膀胱。最堪
 捧腹。雖膀胱上流有輸尿管。來源自腎。本於西人剖驗。初非吾國醫界所知。然
 強不知以爲知。無中生有。信筆塗鴉。造成莫須有之說。以疑誤後學。徐老亦果於
 師心自用矣。若夫肛門之名魄門。向來均謂肺與大腸相爲表裏。以肺有藏魄之
 說。故大腸下口卽名魄門。是說也。舉國宗之。莫敢異議。頤獨以爲不然。果以肺與
 大腸之故。而大腸因名魄門。則小腸與心相爲表裏。小腸下口。何不并名神門。比
 例最近。此非魂魄之魄甚明。及讀莊子天道篇。然則君之所讀者。古人之糟魄已。
 夫。陸氏音義。引司馬云。爛食曰魄。一云糟。爛爲魄。本又作粕。音同。始知魄門之名。
 固卽食料糟粕由此而出之義。以魄爲粕。古有明徵。豈不恍然大悟。然則古今讀
 難經者。寧非皆在夢中。且因此而悟及內經。有所謂開鬼門者。與下句潔淨府。聯
 屬成文。蓋亦開泄糟粕之意。疑鬼字卽此魄字之譌。當傳寫者誤脫其半。遂致不
 可索解。而說者咸謂乃是發汗之意。以膚腠立腑之義。而此附言之。亦屬無可奈
 何之意思。竊恐古人真旨。未必然耳。

纂述門

(生理類)

風寒與人體究有何等的關係

名譽 理學 葉勁秋

西醫崇實。中醫務虛。故中醫以風寒暑濕六氣爲百病症之主因。西醫以各病症之特種病菌爲主因。以風寒暑濕者無形無跡。目不可得而見。而病菌則可按鏡而窺也。然病菌之不足以爲致病之主因。我中醫界對之懷疑者最深。終不能得其要領。故目下治醫者。所急欲當知而最宜深究者。即爲「風寒與人體究有何等的關係」。是西醫謂傷風症云。

傷風雖因受冷而起。然必須染着特種之細菌。方得成傷風症。因此種細菌。于人體忽然受冷時。最宜于舒長。而顯其致病之作用也。

此謂傷風之症。乃成于末受風冷之前之傷風細菌。感受風冷。特其誘因耳。但風

寒之與傷風症。亦非全無關係者。再觀中醫內經。則曰。

邪之客于形也。循毫毛而入腠理。或復還。或留止。留而不去。入舍於孫脈。留而不去。入舍於絡脈。留而不去。入舍於經脈。內連五藏。散於腸胃。此邪從皮毛而入。極於五藏之次也。

此邪字大概指風寒而言。言之鑿鑿。一若亦有形跡可尋。但風寒而固可以入客體內。深入藏府而為病。則治之者祛其風可也。散其寒亦可也。在皮膚者祛散皮膚之風寒。在藏腑者祛散藏腑之風寒。法至簡易。數語可畢。然有始病風寒而終不以風寒藥收功者。其何故也。蓋別有生理的關係也。今欲明風寒與人體的關係。當先明肺與皮毛的關係。中醫之學說曰。

「肺合皮毛。皮毛者肺之合也。」

此說徵之實驗。確屬不妄。但肺何以與皮毛相合。此理非旁參生理學。則不能明晰。生理學云。

據精細試驗。發現皮膚之作用。有同一於肺者。謂其吸收空中之酸素。放出炭酸瓦斯是也。

吾人之身體。無數汗腺。發汗無或間息。然出於皮膚。直蒸發散去。不觸於人目者。是曰潛發汗。若因運動及溫熱發汗激急。則見多量成滴。凝結於皮膚上者。是曰顯發汗。夫汗腺專收血液中之老廢物。送之於體外。其中之成分為百分之中水分九十九。固形物僅一分而已。發汗之作用。無論其方法如何。若瞬息間斷。則精神頓覺不爽。若全身俱止。久則必至於死矣。

汗之多寡無定。大概壯者每日約出二磅。汗管為身體之泄水管。苟有阻塞。人即不快。或且危險。如全身塞沒。則人立死。古時羅馬城舉行大賽會。以一小兒。全身裹金箔以表天使之榮。越數小時小兒即斃。時人至愚。尤以為有干神怒。致遭譴罰。其實則因皮膚之管。有被阻塞。故有此禍。

皮膚肺腎三者。異體而同功。俱任身內掃除之役。皆自血中提出水液廢料。是

故三者病其一。則除二者。必分任其上而加勞。設皮膚出汗之功有碍。則肺腎二種各增其工。往往因疲乏而致病。

此西醫學說之論肺與皮膚的關係頗明。再觀我中醫界之學說。唐氏容川曰。

今人但知口鼻出氣。而不知周身毛竅亦無不出氣。鼻氣一出。則周身毛竅皆張。鼻氣一入。則周身毛竅皆斂。若毛竅之氣不外出。則反入於內。壅塞於肺上。出口鼻而爲喘。寒傷皮毛。衛氣不外出。是以返於內而上壅爲喘。治法但將皮毛發散。使氣外泄。不壅於內。則喘自止。

趙晴初曰。人知息道從口鼻出入。不知徧身毛竅。俱暗隨呼吸之氣以爲鼓伏。所以外感實證。毛竅阻而氣機不能相引。則發喘。內傷表虛証。汗多亡陽。毛竅開而氣機過泄。則息微。

肺與皮毛的關係既明。然後當明風寒與皮毛的關係。西籍云。

凡外感寒熱。汗管壅閉。大病多由此起。發表之劑。爲治標之急務也。

通常由於著薄衣服。或始全體生熱。忽處於寒冷之場所。皮膚冷却而止發汗。於是血液不能復因汗腺作用。排除不潔物。故欲遂其目的。即赴肺臟。肺臟爲之壓迫。呼吸甚困難。由其粘液膜分泌多量之粘液。發咳嗽而咯出之。

鼻腔之粘液膜。亦生此同樣之感應。是曰感冒。

觀此從可知風寒與人體的關係。確爲致病之主因。其不能循毫毛入腠理。盤踞腸胃。亦可明矣。因感冒變生百病者。其大概情形如下。「人體之肌表。受風冷之戟刺而起反應。因反應而障礙自然生理。因障礙自然之生理而變化爲病。」

傷寒論首篇以中風傷寒爲兩大綱。但風之與寒。頗難辨別。且可不必辨別。嘗攷各家註解如下。

風寒二氣。多相因而少相離。有寒時不皆無風。有風時不皆無寒。

惡風者必兼惡寒。惡寒者必兼惡風。

冬月風寒本同一體。故中風傷寒。皆惡風惡寒。營病衛必病。中風之重者。即是

傷寒。風寒之淺者。便是中風。不必在風寒上細分。須當在有汗無汗上着眼。不問其爲中風傷寒雜病。但見此病。即用此方。

風寒本是一氣。故湯劑可以互投。論中有中風傷寒互稱者。如青龍是也。中風傷寒並提者。爲小柴胡是也。仲景細審脈証而施治。何嘗拘拘于中風傷寒之名是別乎。若仲景既拘拘于中風傷寒之別。卽不得更有中風見寒。傷寒見風之渾矣。

我故曰中風及傷寒。是假定的名詞。非實在的名詞也。蓋風之與寒。無形無跡。又無一定準則及憑証。故凡發熱汗出惡風脈緩。便是中風証。可用桂枝湯。凡發熱惡寒體痛嘔逆脈陰陽俱緊者。便是傷寒証。可用麻黃湯。究竟體內有風與無風。有寒與無寒。病者不知。醫者亦不知也。治醫者不明此理。不特不足以讀傷寒。并不足以讀一切中醫書籍。先前治醫者。大都強作解人。妄爲註釋。致中醫不能有進步。鄙人近閱生理書。因有所感而作是說。未識有當于萬一否。

中西肺臟說

名譽會員 許伯元

攷內經有曰。肺爲相傳之官。治節出焉。

又難經云。肺重三斤三兩。四垂如蓋。六葉兩耳。凡八葉。附着脊骨第三椎。中有二十四孔。行列分布。以通諸臟之氣。主臟魄。

按諸經義。固是確當不易之名言。蓋五臟以心爲君主。肺在心外以輔相之。故稱相傳。究其迹象。則以心血迴入於肺。得肺氣吹出。血中濁氣。則復變紅而返入於心。在內經乃營血與衛氣會於肺中之說。即相傳之官所司職事也。

西醫則云。迴血返入肺中。吹出血中淡氣。則紫色血退而變爲赤血。言肺是淘汰心血之物。此卽內經肺爲相傳之義。按中國特不名淡氣。只名濁氣。名雖異而義實無不同也。

又云。肺重三斤三兩。西醫則云。兩肺共重四十二兩。右重於左。男重於女。是說微有不同。大概胸膈闊者其肺必大。究與得失無關。若以兩耳八葉之說。核與西醫

剖驗實得五葉。分右三左二。以知舊云八葉實非也。唐容川亦言八葉之非。惟是經云中有二十四孔一語。并未指實所在。遂使後人至今留爲千古疑案。據醫林改錯駁之曰。經云肺虛如蜂巢。下無透竅。何得又云肺中有二十四孔乎。惟唐容川申明肺中有管竅。通於隔膜而下達氣海之說。嘗攷西醫學說。肺有左右葉。皆被肺衣包裹。在前兩肺葉包心。在後只一峽及肺根。(此根即氣管)中間只隔肺衣。有肺脈。肺迴管。肺吸管。氣管。脈氣管。迴管。肺腦筋網。肺核連網等。包以肺衣。作成肺質。則衆小葉被連網包裹。每葉藏氣管。末有氣泡。又氣管入肺分兩歧。愈分愈細。約列五十。(五十小管)長約一寸。(即微氣管)其氣泡處有一薄膜。養氣可入。淡氣可出。又其肺脈分布。分布與氣管同路。中藏紫血。至氣管泡處佈成血網云云。(以上全體圖微)據此而論。西醫所指微氣管。或即合於內經所謂二十餘孔者乎。按上古尙未別其名爲管竅。故統以二十餘孔言之。未可知也。又按中有二十四孔。下接行列分布。以通諸臟之氣二語。或即肺內多數微氣管。共出於總氣管。後附入脊骨。即醫

林改錯所指名衛總管。下行至尾骨而行列分布。以通諸臟。即各腧穴之氣。按西醫云。前卽有肺迴管。貫隔入腹。又與唐容川所言肺中有管。竅通於胸隔而下達氣海之說相合。亦得以通諸臟氣也。由是而證明肺臟。中西學說雖各有異同。而究其實形質。則中學不如西醫之詳明。至於肺主皮毛。有宣肺氣以衛外之義。西醫則茫然若失。只只剖皮詳觀。言毛孔能傳人之熱外出。然致靈素有曰。肺在天爲燥。在地爲金。在體爲皮毛。唐容川乃申明經義。有肺氣乾金。其體如天。天包於地之外。皮毛包於人身之外。故皮毛屬肺。肺多孔竅以行氣。而皮毛盡是孔竅。所以宣肺氣使出於皮毛以衛外也。西人不知皮爲肺之所施。言毛孔能傳人之熱外出。實不知太陽衛外之陽耳。

要之西醫剖割視驗人之臟腑。層折詳矣。但祇知其形迹。而不知其氣化。欲求症治者。尤必連合內經。乃爲神化而不失也乎。

(衛生類)

第二十八期 壽延門

養生瑣言一束

名醫 沈仲圭輯

三十八

天地不可一日無和氣。人心不可一日無喜神。

毋以妄心戕真心。勿以客氣傷元氣。

慎風寒。節飲食。是從吾身上却病法。寡嗜慾。戒煩惱。是從吾心上却病法。

食服常溫。四體皆春。心氣常順。百病自遞。

歡笑爲人之長壽品。道德乃人之固本湯。

寡思慮以養神。寡嗜慾以養精。寡言語以養氣。

無可奈何。只須安命。怨嘆燥急。又增一病。

兩足不嫌過煖。襪袴俱宜從厚。

炙燻煎炒。病家最忌。助火燥陰。損人不淺。腫毒牙疼。半因於是。

不食冷物。不食生物。不食硬物。有此三不。脾胃自強。

千金方睡訣曰。半醉酒。獨自宿。軟枕頭。煖蓋足。能息心。自瞑目。

醫。呂叔簡曰。以寡慾爲四物。以食淡爲二陳。以清心省事爲四君。無價之藥。不名之醫。取諸身而已。

醫。長壽之道。只清淨明了四字。內覺身心空。外覺萬物空。破諸妄想。一無執着。是曰清淨明了。

學。祝無功曰。銷鑠人莫如怒與慾。慾動水滲。怒盛火炎。慾怒窒慾。心火下降。腎水上滋。此亦吾儒坎離交媾功夫。何必仙家。

雜。吃食須細嚼緩嚥。以津液送之。然後精微散於脾。華色充好。粗快只令糟粕填腸胃耳。

話。戊亥二時。陰盛陽衰之時。一手兜外腎。一手擦擠下。左右換手各八十一。半月精固。久而彌佳。

每日於閒時。正坐閉目。以舌徧攪口中三十六次。津既盈滿。分作三次嚥下。「嚥時喉中須嚥嚥有聲」以意送至丹田。此法行之久久。大可却病延年。

養性之士。睡不至遠。行不疾步。耳不疾聽。目不疾視。坐不久處。立不至疲。先寒而衣。先熱而解。先飢而食。先渴而飲。不欲甚勞。不欲甚逸。不欲多啖。生冷。不欲飲酒。當風。

右錄十八則。從各書節出。不限爲醫家言。取其一二而力行之。已足強身却病。若能全數奉行。其益無窮。

冬日衛生談

前人

(一)獨宿 內經曰。冬三月。此爲閉藏。水冰地坼。無擾乎陽。蓋言冬日宜絕慾。又曰。冬不藏精。春必病溫。此謂不知攝生。精液頻洩。則寒邪乘虛而入。蘊伏少陰。至翌年春陽上升。伏邪內發而溫病作矣。日本古諺曰。春三夏六秋一冬孤。可見中外學理並無二致。老子曰。不見可欲。使心不亂。是故不欲。斷慾則已。欲絕性交。舍獨宿外無他法也。

(二)禁食辛辣 辛辣諸物。助火興陽。食之既久。氣火偏勝。恆發爲咽痛齒疼等病。

葱蒜胡椒尤烈。

(三) 勿設火爐 室中裝置火爐。其害有三。(一)使室中空氣燥烈。妨害身體。(二)室內室外溫度懸殊。掀幃直出。感冒堪虞。(三)窗戶嚴扃。空氣溷濁。吸之有害。矧夫多寒夏燠。人身本有調節機能。初無需於山林避暑。圍爐驅寒也。倘此調節機能。不練習而增進之。惟夏扇冬爐。日事嬌養。必至微寒微熱亦不能受。精神肉體。漸見羸弱。

(四) 勤運動 上條言冬日取暖。能使調節機能衰退。大非衛生之道。則欲增進其機能。俾人自然不畏寒暑。其法若何。曰運動耳。運動之種類不勝枚舉。擇其適於自己之體力者。定時操練可也。然最簡單易行者。莫如徒手體操。「吾國之八段經十二段經亦屬徒手之一」不論室內戶外。風雨晦明。悉可量力施行。功效所及。體爲之壯。神爲之振。豈僅却寒而已耶。

(五) 多沐浴 沐浴之益。余已草沐浴之原理一篇詳論之矣。惟溫浴行於冬日。尤

使肉體溫暖。精神暢旺。所惜我國人士。昧於衛生。通商大埠固有益湯。窮鄉僻村詎能覓此。無已而思其次。唯有部分浴與日光浴耳。部分浴者。以溫水洗滌身體之一部分也。日光浴者。擇風日晴和之天。陽光滿照之地。解除衣履。曝於日中。「惟頭面不宜曬」前法可得局部之清潔。後法可謀身軀之健康。「按日光直射病竈。有鎮痛殺菌硬化諸作用。對於外科結核。股關節炎。節關節炎。久著卓效。即肺結核亦能治愈」事簡功宏。世人何樂而不為哉。

(六) 勿服補劑 世人一交冬令。衛生之道忽焉不講。惟爭求醫生開方。向藥肆煎膏。財力稍遜者。則購現成之膏丸。「杭縣風氣如此。他處不知同否」意謂冬令服些補劑。來年體必健康。詎知所得之結果。適與初願相違乎。蓋虛弱者欲使之強壯。必須講衛生。勤運動。而佐以藥物。方克奏效。豈煎服幾味艸根樹皮。遂有回天之力耶。若膏滋之滯膩。徒見其防碍消化耳。俞氏鑑泉曰。余見俗於冬令。喜服膏滋藥。不知陰平陽秘。脾胃旺健者。參耆地竹之品。力足以運行。服之

尙覺無害。若陰虛體質。溫升之味。卽足以動肝陽而耗腎陰。予故每以集靈膏與薛氏之滋陰養液膏爲之增減立方。惟是麥地之品。總嫌滯濕。或有伏邪。反爲此等藥滋長助虐。釀成隱患。衛生適以戕身。故每婉導以勿服爲是。陸氏定圃曰。世俗喜服熱補。如桂附鹿膠等。老人尤甚。以其能壯陽也。不知高年大半陰虧。服之必液耗水竭。反促壽命。余見因此致害有多矣。一論陰藥之弊。一論陽藥之害。簡冊所載。班班可攷。然則何爲以有用之金錢。換戕身之苦液哉。

論沐浴之原理

前人

人體由多數細胞集合而成組織。更由數多組織相集而爲藏氣以行生活作用。其一舉一動一言一笑。莫不賴於組織成分之酸化而生活力。但酸化一久。廢物生焉。此種廢物。非唯無益而且有害。故必放棄於體外。故放棄之道有三。在上曰肺。在下曰腎。在全身曰皮膚。緣各組織產生之廢物。隨血液以運行。行至肺藉呼吸以吹去之。行至腎。賴小便以排洩之。行至皮膚。由汗腺以發散之。夏令之汗液。冬

日之白屑。即組織因酸化而生之廢物也。與空間塵埃相併。即成污垢。黏附表皮。設不勤加沐浴以除去之。則纖纖之汗腺。爲其填塞。而一條排洩之路斷矣。此路既斷。血中廢物。轉輸於腎。假道小便而出。則腎臟以過勞而衰弱。以衰弱而不能克盡其任務。於是廢料堆積。水津內蓄。或爲石淋。或病水腫。諸恙蜂起矣。不甯唯是。皮膚之作用。除排洩水分鹽類及有機體外。並放散少量之炭酸。攝取些微之養氣。即中醫所謂人身無量數毛孔。息息與呼吸相應是也。若垢污積聚汗腺阻塞。不僅腎蒙其害。肺亦何嘗不受影響耶。至於皮脂腺同時皮塞。不能分泌脂肪性汁液。以澤潤肌膚。猶其小焉。

竊謂吾華養生諸書。備言不可數數沐浴者。當指水熱浴而言。蓋熱水熱度太高。一則體溫上升。頭目暈眩。二則汗出濇濇。陰血易耗（經云奪汗者亡血）三則浴時溫度高而毛孔張。浴畢外出。忽觸風寒。多致感冒。故近今學者。咸認熱水浴爲非宜。僅用療病而已。至言沐浴之益。猶不止除垢一端。凡血行之促進。體溫之增

加。疲勞之恢復。精神之爽快。何莫非其功用耶。獨惜國人昧於生理。終歲不浴。習以為常。女子每月行經。清潔尤為重要。

(病理類)

纂輯中西解剖病理

名譽理事 楊星垣

奚先生

前清孟河奚大先生。傳者忘其名。刀針治法。巧奪天工。時有上海世家某姓女。下部受溼。陰門潰爛。外科敷以生肌藥。後俱長合。僅餘一小孔。但能溲溺。生育無望矣。後請醫連割數次。亦俱長合。痛苦萬狀。女偕兄特到孟河就醫於奚先生。述病情始末。奚曰。此症非父子母女夫婦不避嫌疑。不可施治。若欲吾治。當拜吾為義父。兄妹允諾。即將此女攜入內室。先服建脾補氣養血利溼等調理藥十餘劑。後用白蠟和生肌藥置火上熬熔。將油紙剪方。拖滿藥汁。作夾紙膏百張。再用刀破開前陰。上止血藥。以夾紙膏雙疊折好。令病人正臥。夾入前陰縫中。溲則去之。溲

後拭盡再來。日三四次。約用去夾紙膏七八十張。兩旁完全長好。女後出嫁某姓生子女五人。噫奚某之巧思。無愧一時國手矣。

內經論溫註釋一束

(續前)

名譽理事 張汝偉

醫 熱病七日八日。動喘而弦者。急刺之。汗且自出。淺指手大指間。○熱病傳變。不限時日。有七八日不移。動喘而弦。是邪仍在肺。而風火之勢盛。且有自汗。腠理已疎。若用韭葉刀淺刺少商。肺氣一開。病乃自愈。乙丑七月余治胡少棠女。年十八。熱病五六日。胸煩氣熱。口渴自汗。氣逆而喘。脈滑數。表雖未解。熱已入營。因用氣血兩燔之玉女法。加疎解營分之品。一劑知。二劑愈。即宗此淺刺開肺之法也。然喘之種類甚多。尤不可不辨。內經論喘。不越火逆上而氣不降也。雖然。火則一而虛實攸分。每見世俗一遇喘家。純行破氣。于太過者當矣。于不及者可乎。余嘗論症。因虛而死者十之九。因實而死者十之一。治實者攻之效。治虛者補之難。故辨症不可不清。而辨喘更當審慎也。巢氏嚴氏只言實喘。獨王海藏云。肺氣果盛。則清

誌 雜 學

肅下行。豈復爲喘。皆以火燦真氣。氣衰而喘。所謂盛者。非肺氣也。肺中之火也。故氣虛而火入于肺者。補氣爲先。生脉散。脈數有痰。六君子湯。陰虛而火乘金。不得臥者。壯水爲急。六味丸。虛者合生脉。風寒者解邪。水盛者利水。暑邪者白虎湯。痰壅者化痰。諸鬱者疎氣。肺脹麻桂半湯。脈浮者小青龍。腎虛則火不歸元。宜用附桂八味之屬。同一喘症。治法大異。臨診不可不辨。

熱病七日八日。脈微小。病者溲血。口中乾。一日半而死。脈代者一日死。○傷寒太陽症見鼻衄。爲欲解也。此溫病熱邪深入下焦。傷肝腎之血。不能藉溲血而解也。若口不乾。精液不竭。亟用導赤及龍膽瀉肝等法。猶可冀生一綫生機。今口中乾。是陰液不上承也。脈代者氣已大傷。不能壓血以行。故脉見代而死也。按代脉體狀動而中止。不能還復動。因而作代者。病者得之。猶可療。平人却與壽相關。又曰五十不止。身無病。數內有止。皆知定。四十一止。爲一藏絕。四年之後必死。三十二十。依次類推。如十動內。即有代象。死期更速。且此症不惟脉代。且脈形微小。故斷

不治。(未完)

傷寒衄症釋義

名譽
理事 吳玉純

致衄之一症。從春至夏衄者太陽。從秋至冬衄者陽明。以衄之來路。自衝脈直上。行於清道。太陽陽明之脈皆上交額中。所以傷寒六經。惟太陽陽明二經病衄。在太陽症中。多出表熱鬱遏。血去而熱亦隨之以去。曰衄乃解者。可知其一衄而不復有再衄也。在陽明症中。必由裏熱蒸發。但云衄而不云解者。恐其尚有再衄三衄也。古人於衄有紅汗之說。然發現之狀態。最足驚人。可預卜而知之耶。曰有之。太陽中篇第五條曰。太陽病脈浮緊無汗發熱身疼痛。八九日不解。八九日已屬再經。而麻黃麻症不解。是表邪之鬱遏已深。服麻黃湯不過微除。而其人反發煩。煩者陽之象也。陽盛者目必張。方書謂開目病陽。闔目病陰。瞑者半開半闔之象。陽既盛而煩矣。目又瞑而屬陰。適成相反之比例。所謂陽熱鬱遏於營陰之分。既不能從玄府發泄。勢必從清道上行。劇者必衄。直可預決而無疑也。衄乃卽解。更

不必過事驚惶也。不審乎此。漫用涼血止血之品。致可解者反不能解。仲聖之訓。人可謂深切着明也。後第十四條又云。頭痛者必衄。其理更難索解。夫始不頭痛。不大便六七日而頭痛有熱。是不關於表邪。金匱宿食病篇曰。脈緊頭痛風寒。腹中有宿食不化。是可證頭痛之屬於裏熱。故與承氣湯。其小便清者。知不在裏。仍在表也。然亦非風寒之表。乃表熱久鬱。無發泄之路。反上蒸爲頭痛。頭痛乃由熱擾清竅。故亦必衄也。若夫陽明篇第二十四條云。陽明病口燥。但欲漱水不欲嚥者。此必衄。口燥爲陽盛之象。不欲嚥水。又爲陰盛之象。亦如發煩之與目瞑。成相反之比例。知其熱燥伏於營絡之中。必動而爲衄。又四十九條云。脈浮發熱口乾鼻燥能食者則衄。此則陽明之熱。充溢於本經之中。而致上越。與太陽經由於表邪者不同。必投清解陽明之劑。庶可不致復衄也。至于少陰經中無汗而強發之。必動其血。或從口鼻或從目出。此則下厥上竭。至危至險之症。非太陽陽明二經之衄所可比例也。

第二十八期 醫學門

太陽爲心主解

理串 王 熾

古之傷寒專家。有以太陽爲心主者。後儒非之。以爲此卽古人所蔽。竊謂不然。蓋後人只知太陽爲寒水之經。心主係少陰火臟。故不應以太陽爲心主。豈知太陽爲人先天之巨陽。其熱生於地下之水中。而上達於周身之表。充於皮膚。原爲衛氣。集於胸中。則爲心陽。蓋心君雖自有真火。然必經下焦水中之生陽上助。斯君火有根而不孤。足以流通血脈。生化萬有。若太陽之氣弱。無以上助。則君火勢孤力薄。往往寒生於上。〔如痰飲之類〕氣陷於下。偶遇風寒侵犯。則無力抵抗。以致外邪漸漸深入。當是時也。用藥表散。最要扶助君火。血液充而後得汗。苟火衰血枯。則化汗難而邪無出路。是太陽在表之邪。由汗驅散。必假君火鼓盪之力。而心主以方寸之虛靈。獨能積熱於中。而運血於外。全賴太陽之陽熱助護。本係上下一氣之循環。故積陽則爲火。積陰則爲水。古人所云太陽爲心主者。是卽積陽爲火之義。非謂太陽之氣化。不在膀胱而在心主也。

陰暑辨

名譽理事 沈仲圭

張潔古曰。靜而得之為中暑。動而得之為中熱。中暑者陰症。中熱者陽症。後人宗其說。遂立陰暑陽暑之名。如張介賓曰。陰暑症或在於表。或在於裏。惟富貴安逸之人多有之。總由恣情任性。不慎風寒所致也。陽暑症惟辛苦勞役之人多有之。由乎觸冒暑熱。有勢所不容已也。然暑熱逼人。畏而可避。可避則犯之者少。陰寒襲人者。快而莫知。莫知則犯之者多。張氏此言。洞中病情。但暑本燥熱之氣。而冠以陰字。究有未安。蓋夏日相火司令。流金燦石。人在氣交中感之而病者。是曰傷暑。其有大廈深堂。風亭水閣。過貪涼風致病者。乃傷寒而非暑病也。或疑炎夏無傷寒不知陽

氣發越。滕理空疎。受寒乃較平時為易。故其外候。一為心煩口渴。身熱自汗。一為身熱頭痛。惡寒無汗。而脈象之虛與緊。尤不相侔。其治療。白虎加人參湯以滌暑清氣。一主肘後。葱鼓湯以驅寒解表。病源迥異。証治天淵。安得以一暑字槩之哉。至於恣啖生冷。脾土內戕。釀成寒症。則不但非暑病。並非六淫病矣。內經曰。相火之化。暑主於夏。又

曰歲火太過。炎暑流行。仲景名中熱曰喝。〔說文喝。傷暑也。〕熟玩聖訓暑字之義。昭然若揭。而陰暑之名。不攻自破矣。

論瘧

名譽會員 許伯元

瘧之爲病。衆說雖有異同。然不外陰陽二氣盛衰剝復而已。何則。觀內經瘧論篇。帝曰。夫瘧皆生於風。其蓄作有時者何也。岐伯曰。瘧之始發也。先起於毫毛。申欠乃作。寒慄鼓頷。腰脊俱痛。寒去則內外皆熱。頭痛如破。渴欲冷飲。帝曰。何氣使然。曰。陰陽上下交爭。虛實更作。陰陽相移也。陽併於陰。則陰實而陽虛。陽虛者。陽氣衰也。亦陽之剝也。又曰。陽明虛則寒慄鼓頷。巨陽虛則腰背頭頷痛。三陽俱虛。則陰氣盛。陰氣盛則骨寒而痛。陰氣勝者。陰之盛也。亦陰之復也。又曰。寒生於內。故中外皆寒。陽盛則內熱。陰虛則外熱。內外皆熱。則喘而喝。夫曰陽盛內熱。陰虛外熱。豈非二氣之盛衰剝復而然乎。著論皆以陰陽二氣爲言。不見論及臟腑。况又曰。熱氣盛藏於皮膚之內。腸胃之外。此榮氣之所舍也。令人汗。腠理開。因得秋風。汗

出遇風。及得之以浴。水氣含於皮膚之內。與衛氣併居。蓋衛氣者日行於陽。夜行於陰。此氣得陽而外出。得陰而內薄。是以日作。觀此可見瘡之爲病。乃陰陽二氣。外感所致。非臟腑內生之病。况病瘡者之寒。當其寒也。湯火不能溫之。及其熱也。冰水不能寒之。當此之時。雖良工不能止。及其汗出氣和。臟腑無恙。豈非陰陽二氣爲病哉。經曰方其盛時必毀。因其衰也事必大昌。此之謂也。仲景謂邪在半表半裏。此真洞明內經之奧妙。後儒費伯雄謂瘡病爲暑熱之氣。先伏於內。受風寒包裹。是熱邪在裏。寒邪在外。及其與衛氣同發。先發在外之寒邪。故先寒。次發在內之熱邪。故後熱。至得汗之後。風熱漸改。故寒熱皆平。此說亦得內經本旨。見解獨深。此中醫古今聖賢所同一論調也。乃西醫則謂瘡係傳染。皆由一種蚊嘴之寄生虫。其喙輸入於人身之血管。即時能將人身血管之赤血球變爲黑色。此即致病之原由。又謂此虫孳生甚速。其生滅祇一週日。舊虫滅而遺子則瘡止。其孵化成新虫則瘡作。生滅只一週日。是以瘡一日一作也。然瘡不止一日一作。間日

一作者有之。三日一作者有之。一日數作者亦有之。彼既明明謂生滅只一週日。何以偏有間日三日一日之病。似未可執以爲例。况蚊之螫人。不止一人。夫妻子女同牀者最多。不聞有夫妻子女同瘡者。可知傳染之說。亦殊不確。不深究病理。而專事於部解。見血管之有虫。卽曰病在是矣。豈知絕無關係者乎。如肺癆病然。彼剖解見肺之有虫。肺之焦痿。卽曰病在肺矣。豈知癆病原因。全不在於肺。如是種種西醫祇論形象。不論病理。不足爲法。總之瘡病爲風邪外入之病。陰陽二氣上下交爭。盛衰剝復而已。

冬溫與傷寒辨

會員

徐世長

溫病之見于冬令者。由於非時之暖。人之元氣素虛。腎氣外泄。偶有所感。不能鼓邪外出。復得暴寒所傷。外呈太陽傷寒之表証。溫熱之邪內已伏藏。醫者診焉不察。率投麻桂等藥。未有不誤人者也。夫二症之辨。顯而易見。傷寒之脈。左手大于右手。溫病之脈。右手大于左手。傷寒脈浮而緊。溫病脈浮而數。傷寒寸脈浮而尺

脈沉。溫病尺寸脈俱浮。傷寒脈大。溫病脈細。傷寒發熱惡寒。惡寒多而發熱少。溫病發熱而不惡寒。間有微惡寒者。然雖寒而不勝其熱。傷寒無舌胎而口不渴。溫病口渴而兼舌胎。傷寒神清。溫病朦朧。傷寒面色不易。溫病面如油垢。此為傷寒與溫病之種種不同也。奈人皆以為冬月盡是傷寒而無溫病者。又有謂雖冬月而溫病居多。真傷寒絕少者。聚訟不已。以致後學無可適從。今將二証之不同處。辨別清楚。當臨証之際。或為溫病。或是傷寒。自有定見。不至狐疑悞事也。

(診治類)

(診法)

色脈篇

續二十七期

理專

楊百城

論色脈合證之關係

經云察色按脈。先別陰陽。審清濁。

此言合色脈以分別病證也。李挺有云。四時之邪。以從前來者為實邪。後來者為

第二十八期 醫學

五十六

虛邪例着假令色紅。心病熱痰火顛狂斑疹等證。其脈當浮大而散。色青肝病。脅痛乾嘔便血等證。其脈當弦而急。色黃脾病。濕熱腫脹傷食嘔吐關格等證。其脈當中緩而大。色白肺病。氣喘痰飲痿痺咳嗽等證。其脈當浮濇而短。色黑腎病。腰脚疝癩淋濁漏精等證。其脈當沈濡而滑。其間多動則爲火爲虛。靜則爲寒爲實。皆當色脈相參。又五積六聚。大宜色與脈證相應。故言赤脈白脈。合色脈而言之也。又五色應五臟。間有綠色者。乃任督陰陽之交會也。此李挺所論。歷舉諸證以示崖略。後人繇此門徑。可以深造堂奧矣。

論色脈合時之關係

經云色之變化。以應四時之脈。此上帝之所貴。以合於神明者也。此言察色診脈。當於時相應也。肝色青。時主春。其脈弦。心色赤。初主夏。其脈鉤。脾色黃。主旺四季。其脈代。肺色白。時主秋。其脈毛。腎色黑。時主冬。其脈石。昔我先師之理色脈也。以色青脈弦而合木。應春。色赤脈鉤而合火。應夏。色黃脈代而合土。

應長夏及四季。色白脈毛而合金應秋色黑脈石而合水。應冬。以五行之休旺。副四時之往來。故六合之內。八風鼓析。不離常候。盡可與期在此。觀其移精變氣。所以通神明之妙也。夫色脈相和則吉。相勝則凶。色脈之臧否。死生之徵兆。寓焉。中臟經有云。面青無右關脈。脾絕。面赤無右寸脈。肺絕。面白無左關脈。肝絕。面黃無左尺脈。腎絕。面黑無左寸脈。心絕。故斷之曰五絕者死。而又申言之曰。當其時則死。非其時則半歲死耳。五色雖見。五脈不見。即非死矣。是其間有當時與非當時之分。死期有速有遲。而色見脈不見者。則又非可以一概斷以死矣。

診脈分左右三部之原理論下

名譽理事 俞鑑泉

前者濬曾有脈部分左右六部之說。吾知博雅者尙嫌立說之未精。而醉心新學者且曰嚙語而已。爲古人作辯護而已。醫學之不良進。爲此等似是而非之說所障礙而已。吾於是敢再言其理焉。

陰陽應象大論曰。東方陽也。陽者其精并於上。則上明而下虛。故使耳目聰明而

手足不便也。西方陰也。陰者其精并於下。則下盛而上虛。故其耳目不聰明而手足便也。又曰天不足西北。故西北方陰也。而人右耳目不如左明也。地不滿東南。故東南方陽也。而人左手足不如右強也。然經言如是。而其中尚有氣血相交之理。非但曰陰陽而已。即如以目言之。目之所以能視。以氣血二者而已。遠視之能力在氣。近視之能力在血。幼年陰血與陽氣均足。遠近之視力極明。至衰年陰精日減。故近視之目力亦日減。必須藉鏡光以助之。而左右兩目之中。可試氣血相交之理。今如閉其一目。以一目視遠。或閉其一目。以一目視近。均各有偏勝之交。其視遠之力足者。氣勝也。以近觀之力足者。血勝也。〔按所謂近觀與近視眼異〕左右二目互有偏勝之處。不得以左目必明於右目泥之。以隨人之年齡與氣血衰旺爲斷。若左右手之運動。亦有左手能作字作事者。但此陽體氣較少。均以右手作事便捷者爲多。以右手屬氣故也。今姑以機件譬之。能運動者機件也。所以使機件之運動者。爲火力汽力電力也。人身之氣。機件之汽力似之。氣能動。故經

曰氣爲陽。血爲陰。又曰左爲陽右爲陰。前爲陽。後爲陰。上爲陽。下爲陰。又曰左右者。陰陽之道路也。蓋經以左右上下前後分陰陽者。以身之部位言之也。曰左右爲陰陽之道路者。以氣血所行之途徑言之。亦卽氣血所交之道路也。左右之氣血交則和。不交則偏枯之病生。前後不交。則反張僵僕之病生。上下不交。則血冲腦筋之病生。皇極經世曰。人之陽在上而陰在下。既交則陽在下而陰在上。故血冲腦經之症。無下濟之陰。惟有直上之陽。爲陰絕陽迫之危症矣。然氣血之交。本無形跡之可言。且西說證之。西說謂左體運動神經。係發源於腦系之右邊。右體運動神經。反發源於腦系之左邊。是可證左右相交之理矣。且右之運動神經。出於腦系之左。是右手之運動。方有得心之効。誠以造化生人。二氣相互。如環無端。以氣血言之。氣爲陽。血爲陰。以位分言之。左爲陽。右爲陰。古賢楊上善謂陰氣右行。陽氣左行。是右體運動神經發源於腦系之左邊者。陰氣右行也。此吾醫治病以左爲血。右爲氣之證也。左爲陽。血爲陰。左手反重在血者。陽抱陰也。右爲陰。

氣爲陽。右手反重在氣者。陰抱陽也。是古聖以左手三部配爲心肝腎。可無義疑矣。且左右所以分氣血之理。尙有數者。可以新說證之。解剖家藏體所見。如肺則右葉略大。左葉略小。心之尖且向左焉。如腎則在左畧小。在右略大。而左腎且略長而左墜焉。其臟形之大小高下。亦各如手足之氣血。不分中有所分也。誠以氣血既異。其名更異。其物左右不無偏勝之處。古之聖人能於未病時。早識氣血有左右之偏勝。後人於氣血已偏。病機發現。方始知耳。可知中古醫者分左右氣血之治。亦從脈要精微論臟腑左右之分配而悟得之。若拘左爲陽右爲陰。氣爲陽血爲陰。是血之爲陰者。何以偏重在陽位。豈非顛倒陰陽自相矛盾歟。故醫者必兼明氣血相交之理。更知其有偏重之處。然後更參之以脈象。自不以古人爲嚮言矣。且素問之言脈。乃言其常也。案部以探索之。自有足據。若夫非其脈位而反有其脈象。如脾部見弦之類。或三部之脈不別。或左右之脈相同。雜奇變幻。不一其態。是在博考廣稽。神而明之。存乎其人。鄙人學醫有年。知自來論脈者。以脈要

精微論中之言爲最確。惟同爲一肺脈。分出左右之界限。易啓人疑。爰不憚煩言以發明其所以然。與海內同道共正之。敢再伸前說之餘義焉。

(治法)

歷代名醫治法彙錄

續二十七期

刺

其病瘳痺。其治宜微鍼。形樂志苦。病生於脈。治以灸刺。明九鍼之用。經絡補瀉之法也。故榮衛異刺。以分血氣之虛實。井榮異刺。以分五行之子母。募俞異刺。以分背腹之陰陽。春夏異刺。以分人氣之淺深。大抵虛補實瀉。無過不及之傷。以輔其平者。刺法之大要也。然有病勢未深。可刺而即愈者。所謂病之始起。可刺而已。或痺不仁腫痛。可灸刺而去之是也。有病傳諸經。必上下俱刺者。所謂刺熱刺癰病。甚爲五十九刺是也。然刺之爲言。同於擊刺之刺。以爲利也。害在其中。黃帝謂徐人安靜。手巧而心審諦者。可使行鍼艾。張機謂鍼能殺生人。不能起死人。以用之。

不可不慎也。况九鍼異體。取病有殊。十二節異法。用有輕重。必明日月星辰四時。八正之在天。寒暑燥濕經水盈虛之在地。肥瘠壯弱虛實盛衰之在人。然後呼吸補瀉出入迎隨。惟意之從。豈特知募腧部分皮肉筋骸飢飽勞逸而已哉。故曰見微得過。用之不殆。

(治療各稿)

注意脫疫(即霍亂)

名譽理事 徐相宸

霍亂之病。上吐下瀉。有開無闔。有出無入。血肉之軀。終至於脫而後已。定名脫疫。不亦宜乎。此病惡候種種。未遑悉數。扼要在一瀉字。不怕吐多。怕瀉多。不怕瀉多。怕瀉不止。吃緊在一汗字。不怕無汗。怕汗多。不怕熱汗。怕冷如雨。吐瀉不止。冷汗如雨。脫症具矣。霍亂致命。未有不至此絕境者也。然而趨勢雖同。起原各異。一方統治。斷難十全。茲爲簡便起見。原本學理。辨別種類。定一主治之方。詳其加減之法。聊竭愚誠。貢獻社會。倘蒙高雅教而進之。生民幸甚。曷勝歡迎。

溼食霍亂主方。無溼不成霍亂。無食亦不成霍亂。故霍亂之第一步。以溼食爲之主。蠶矢一壹兩。茅朮一三錢。山查一五錢。神曲一五錢。明礬一三錢。燒鹽一三錢。黃沙一四兩。陰陽水各半。煎去滓。放溫服。

附加減法。悶亂叫痛。舌苔垢膩無汗。或汗少者。有穢濁也。加龍涎香一壹分。好麝香一五厘。二味俱須研細吞服。鮮菖蒲一三錢。搗煎。黃鬱金一三錢。唇舌白潤。腹痛雷鳴。無汗。或汗不多而冷。有陰寒也。加上肉桂一壹分至三錢。公丁香壹錢五分至三錢。好原梁一四兩。沖。冷汗如雨。四肢如水。形脫聲嘶。陽氣欲脫也。去山查神曲二味。茅朮易天生朮一兩。照陰寒法。再加。製附片一錢五分至三錢。別直參五錢至八錢。訶子肉三錢至五錢。好鴉片五厘至一分。夙有烟癖者倍之。案霍亂証以此一種爲最難治。以其正不勝邪也。唇舌俱紅。口渴心煩。汗多而熱。有暑熱也。加。西牛黃五厘。上川連五分至八分。鮮荷葉一張。蒼黃且燥者。加煨石膏五錢至八錢。

第二十八期 醫 雜 誌

六十四

外治法 腹中冷痛者。以石硫黃火刀石肉桂丁香艾絨鴉片暖臍膏蓋之。重棉裹之。肢冷轉筋者。花椒樟腦老薑火酒極力擦之。生附子一兩搗貼足心湧泉穴。

病中禁忌 諸穀勿進。陰寒及陽氣欲脫者。避寒。污濁及暑熱者。忌悶。一周時內。堅壁清野。屏絕食物。如欲索飲。以燒鹽百沸湯代茶。絕無流弊。

病後禁忌 房事生冷油葷糖酒寒暑風露。輕者一二星期。重者經月乃至百日。此其大畧也。精詳研究。別有拙著。俟脫稿再呈一教。

紀甲子春月之麻症

名醫
會員 陳蓮峯

洪鈞氣轉。萬象回春。石碼忽有麻疹之發生。雖產甫數月之幼孩。年將弱冠之童子。同罹此厄。傳染之盛。區域甚廣。如汀漳龍泉等屬皆有報告。吁時氣流行。豈亦歲會使然歟。三男祥霖于正月抄發熱。脈洪大而數。眼紅鼻涕咳嗽。旋即紅鱗畢現。愚初以升麻葛根湯加大青茜草石膏之品。并採桑葉為茶飲。嗣大熱大渴。喘

息頗急。陽明火盛。改用柴胡白虎湯一劑。既而鼻衄。遽擬犀角地黃。服後熱退身涼。諸恙漸平。惟咳嗽頻頻。尚未淨。詎四兒祥伯亦發熱報疹。不幸閩軍由廈襲海澄。戰事遽肇。地方頓呈阨隍之象。余急于移脊避亂。草草以升葛湯加大青茜草石膏知母等一帖。因友人西醫黃君贈金鷄納霜丸拾數。亦授諸乳媪。後舉家遷居隔江某村。余留店守之。未幾石碼陷落。軍無紀律。焚掠頗甚。交通斷絕。祥伯之病余亦無心顧及。泊至秩序粗復。內子率兒輩歸來。祥伯因疹失治。變証紛起。初則泄瀉兼血。繼忽脚腫。微熱不除。咳嗽亦盤旋弗寧。精神疲靡。胃口銳減。善啼不適。渠母異常憂苦。責余治之。夫痘陰毒也。疹陽毒也。痘須補托。疹當涼解。諺云痘前疹後。煞費苦心。蓋言痘出之前。倘失補托。無從發揮胎元之伏毒。發疹之後。初不涼解。則難以開泄先天之蘊邪。一則變動于先。一則遺患于後。祥伯之疹。因戰亂之阻。失用涼解。致如斯之纏綿。症既至此。非以清血疎邪之方。根本剷除。無能收澄源之效也。擬四物湯加連喬銀花丹皮紅花錦軍。一方從泄毒之路。以血藥

導之。服後頗見清適。渠母畏太黃之酸寒。以病將週月之軀。元氣虛弱恐非所宜。因以蓮藕搗汁調鹽溫飲。晨夕兩番。屈指三四日。竟夷然告痊。誌之以爲治疹科者告。

臍風研究

名譽會員 陳蓮峰

臍風一証。俗名中六。屬肝屬脾。古今論治聚訟紛紜。攷幼科金鑑有言。斷臍不慎。客風中於臍處。千金方有臍風臍溼臍瘡。三者皆因斷臍後爲風溼傷而成。由此則西說所謂破傷風菌之傳染可以證明無疑也。中國醫法。如夏禹錫臍風燈火十三焦圖說張景岳艾火灸臍法。其作用有二。^甲燔火滅毒。^乙推增血壓亢進。蓋當撮口聚唇眼閉口噤啼聲如啞。或舌上如粟。或口吐白沫。或喉痰潮響。或氣息喘急。甚者舌強面青腹脹青筋吊腸牽痛之候。一經燔灸。菌毒靡遺。此爲寒因熱治。濕從火化之意義也。藥治之方不外疎風逐邪而已。是則西說之所謂興奮鎮痙之劑。以之抵抗菌毒也。因破傷風程。由臍部創口。傳染血行器而入脊腦。此神

經系所以驟呈中毒之現象。近世西人發明血清注射以為根本治療。惟其結果殊少成績之可言。敝省兒科秘本。揭明臍風為中六發疝之証。因經傳變。治法殊類。見廈門神州醫藥分會月報幼嬰疾病秘書且達生編有治中六症藥方。藥性辛烈。非初生胎兒所

宜。余製有治臍風驗方。在臨床上所得。成績甚優。特錄之以資商榷。

方劑中藥 真牛黃 八分 正硃砂 八分 大梅片 八分 西藥蟪年沙 *Magnesia*

八分 共研粉每服五厘每三小時一丸重者一分百試百效

天痘登熱見點起脹養漿論治

名譽 唐忠俊

痘者陰分之毒。得陽氣而成。其中有種出與自出之別。種出者昔有苗痘。今則通行牛痘。由胎毒內發所致。自出者為時痘。即天痘也。天痘之症。由外感疫癘之邪。引動先天之蘊毒所成。或由傳染而來。患此者幼童居其七。壯者居其三。老者最少。其症一發。來勢頗重。稍一失誤。多致不救。乃有庸醫一見此症。徒守諸痛瘡。皆屬於熱之句。而專施清火解毒苦寒剋伐之品。隨手浪用。豈知治痘之法。全以

透發爲第一要義。而透發非賴氣血充足。真陽托送不爲功。譬諸豬脬氣脈欲其脹滿。必須充之以氣。氣散即陷而不脹矣。痘症之理亦猶是也。苟始終專用苦寒。則血凝。尅伐則氣破。血凝氣破。則真陽被伐。陰毒勢必乘虛內攻。以致輕者變生泄瀉塌陷。重者都遭慘亡。欲告無罪於世。其可得乎。故治痘之法。最忌過寒尅伐。且其症之發。凡分四期。先約身熱三日。然後見點。點齊三日。然後起脹。起脹三日。然後放漿貫膿。貫膿三日。然後漸漸結痂而收靨矣。症既按期而來。治必因勢制宜。當身熱之初。如耳尻中指俱冷。耳後及兩額間有紅絲。而呵欠多嚏。兩目困倦者。預知其出痘也。急宜分經辨症。托裏解表。使肌內鬆透。則痘點易出。倘氣虛陽弱而不能透出。則宜微補其氣。以求見點。惟初忌用芪。恐腠理一密。則痘難出矣。痘點既齊。則開盤而起脹。起脹時頭面顯頰亦見微腫。因毒邪由內達外。此時尙在肌膚之間也。及膿成漿足。毒氣盡化。則腫勢自消。故治宜清涼托毒爲主。清涼則無血熱腸枯之患。托毒則無壅滯黑陷之害。然必正氣充足。方能起脹。若當起

脹之時而不起脹。則由氣血內虛。不能托毒外出之故。但能補托兼施。則盤自開而脹自起矣。若見痘未開盤而頭面先腫。亦因元氣大虧。症屬虛腫。其痘必不能起脹。及痘已起脹而腫不消。亦緣元氣素虛。不能攝毒。餘毒留於肌膚之間。不能盡化爲膿所致。均宜疎透解毒之中。重用扶正之品。則起脹腫。腫消而毒化矣。痘既起脹則貫膿。而貫膿全賴養漿。漿足則毒化膿貫。漿不足則痘斯壞矣。故此時最宜留意。若痘顆稀疎而飽滿。根盤鮮紅而潤澤。斯爲上等症。可安枕無憂。倘頂陷而不起。是氣虛也。色淡而不鮮。是血虛也。痘根無紅盤。頂含黑水。及漿清而不稠者。真陽不足也。先哲云。養漿全藉陽氣。故最喜身熱。熱則真陽充足而能托膿化毒也。惟其熱亦不可太過。不及則陽氣有所不足。不能蒸化其毒。過熱則氣血受其煎熬。其毒不得渾化。故此時必須審其體質。察其病源。培補氣血。養陰濟陽。以使兩相交感。則漿稠而毒化矣。最忌便溏。便溏則中氣餒而不能運送。陽氣傷而不能化毒。以致痘毒內陷。爲患非淺也。是故升麻進於未點之先。瀉甚爲宜。參

芪用於催膿之際。氣虛乃合。身不壯熱。勿投柴葛。臉不煩紅。忌用芩連。便溏清稀。涼藥終非相宜。胃虛納少。滋陰恐增瀉利。欬嗽有痰。切勿亂投半夏。熱沖作嘔。尙須禁施乾薑。氣血雙虧。參芪奏效。脾腎虛寒。桂附收功。總之治痘之法。始終以顧氣血爲主。用藥既不可偏寒。又不可偏熱。若見點未齊而過用苦寒。則痘爲寒遏而不能盡透。起脹未滿而過用苦寒。則水不能升而頂陷。毒未盡解而過用溫補。則毒亦滯蓄而不能化漿。漿未滿足而更用苦寒。則漿淡不稠而癢塌。如身涼而膿不乾。痂落而斑不化。及痘後發毒。而麻痘瘡等惡象。皆由調治失當所致。然此特言其常而不言其變。醫者必當隨症施宜。不可偏執也。

偏腦疽治愈

會員

相里規

介休閻光耀君去夏四月腦後生瘡。言經某醫士診視云。非用卅字樣切開法去。出死肌如拳。難以望痊。來商可否。並詢另治方法。余視其瘡狀如覆碗。審其部位。係偏腦疽。(俗名偏口)診其脈象浮而無力。語之曰。刀割而取死肌。是霸道也。用藥

拔毒去腐。是王道也。君年已五十。氣血既衰。脈浮無力。顯係氣虛。症又偏口。本由膀胱經脈虛寒所致。若用刀割。必傷好肉。損氣血。是虛而又使之虛。未免有違內經勿虛虛之旨。况割後難望數月長平。氣血稍有滯碍。恐有不虞之患。以余思之。不如內服雙補氣血之藥。加以清熱解毒之品。助其化膿。使邪外達。外敷敗毒取腐之藥。兼帖回陽解毒之膏。使其自破。瀉其毒邪。兩面夾攻。或可收效。轉危爲安。病人立求診治。余以降丹五釐。冷水調如泥敷瘡頭上。蓋以陽和解凝膏。使服熟地當歸黃芪金銀花黃連川山甲皂刺貝母白芷甘艸二劑。第二日卽破。膿血淋漓。腫亦漸消。四日其腐完全脫落。以紅升丹和硼酸膏填於瘡內。服十全大補湯加乳香沒藥白芷十劑。共十二日。新肉長平。遂以無臭黃碘散二三次。結痂而愈。蓋白降紅升中藥也。黃碘硼酸西藥也。中西台治。其效甚速。

(藥物類)

論大黃功用

名醫 劉前英

虛症補之參耆是也。實症瀉之大黃是也。夫大黃之功用偉大。前人已詳晰說明。惟以性味苦寒。藥力猛烈。誤用則傷元氣。耗陰血。醫者輒不敢輕投。然藥雖峻劑。以病當之則無妨。蓋攻下之劑。總是實熱病症俱備。危在旦夕。非用大黃急下。使邪熱瘀垢盡去。正氣復元。則不可救。所謂斬關奪門之法也。乃後人抱王道之旨。視爲禁劑。誠屬偏見。且大黃之用。非獨實症熱症要藥。卽虛寒之病亦間有用之者。攷諸神農本草云。大黃能推滯五臟寒熱。於此可明大黃能治寒疾之不誣矣。李士材亦云。古人用大黃以治虛癆吐衄之病。寓意深微。蓋濁陰不降。則清陽不升。瘀血不去。則新血不生。所謂釜底抽薪之法。於此更可明大黃確有治虛弱之功效也。然証以上兩說。則於大黃之本性何相反若是。此則非深於研究者莫知其奧妙。大黃雖猛烈之藥。然走而不守。縱有悞事。施救亦易。非若芩連之墨守不移。且生用味寒。製熟微溫。溫則微補。故虛寒病亦間有用之者。不過大黃係攻下之專藥。古人用治虛寒者極罕。沿及近世則更絕矣。亦以其力峻故耳。乃醫者不

明斯義。連貫熱之病亦慎於他用。視為至毒之品。縱有用者而分量極輕。更或有以補瀆之藥佐之。使互相牽制。減輕其蕩滌之力。殊失大黃偉大功效。迨亦大黃之蹇運耶。且補虛宜緩。攻實宜急。又安可嫌其猛烈乎。惟以治虛寒病。理由却不十分充足。若投治實症。則有推陳致新之效。撥亂反正之功。如定禍亂以致太平。宜其有將軍之號也。

梁上塵白草霜釜底墨二者異同之研究

理學 王熾

梁上塵者。即屋壁與頂棚上之倒挂塵也。以其垂條若線。色黑飛舞。狀如龍尾。故又名烏龍尾。氣味辛苦微寒。無毒。主止金瘡。及齒斷血。出喉痺乳蛾。(同枯礬牙皂鹽炒黃等分爲末。或吹或點) 卒自縊死。氣閉。(用四人各納塵於竹管中。同時力吹死者兩耳兩鼻。即活。方出外台秘要)

百草霜。即灶突墨也。其質由各草燒化。輕細如霜。故名。氣味辛溫。無毒。主消化積滯。下食。(內含鹼質之力) 止吐衄崩漏諸血。(炭質能促進血纖維素之凝結。傷

寒陽毒發狂。瘡痢。噎膈。咽喉口舌諸瘡。〔內含鹼性能滅酸質〕

釜底墨。卽鍋底煙墨。一名釜臍墨。氣味主治。與百草霜大畧相同。古方墨奴丸。治陽毒發狂。釜底墨與百草霜梁上塵三者併用。以其皆係煙氣所結。內含成分大略相同。惟體質有異。故主治不無上下之別。且其方中兼用麻黃大黃通利三焦。汗下並行其意可見。攷百草霜與釜底墨既善止血又能消積化滯。惟通竅之功。不及梁上塵焉。然駐車丸用百草霜一錢。巴豆煨去油一錢。研勻。麵糊丸。綠豆大。每服三五丸。治小兒積痢。〔赤者甘草湯下。白者米飲下。赤白菴湯下〕又咽中結塊。水食不下。危困欲死。百草霜蜜丸如黃實大。新汲水化下。不過二丸即通。名百靈丸。二方皆能開閉下積。其功不亞於梁上塵也。

醫院煎藥規則

牛惠善

- (1) 醫士處方時。藥之煎法服法如何。應當寫明並詳細面告看護人。
- (2) 看護人買藥時。須令一一各包。再經管理人檢點其真假。

- (3) 某病人處某號某藥壺有某號牌。均須標明。方無錯誤。
- (4) 如係用過藥壺。更要十分洗淨。否則有害。
- (5) 煎藥時須將應注之水量。煎煮之時間。火力之大小。及應留的藥量。一一了然於胸中。
- (6) 看護人於煎藥時。可時常看守。不得離開。致水盡藥乾等弊。
- (7) 煎金石之藥宜研碎。堅固之藥宜打破。則汁味易出。
- (8) 煎芳香之藥。爲其氣足。宜少煎。補益之藥。取其味濃。宜多煎。
- (9) 凡一劑藥中。因難煎易煎。有先煎一二味。後下羣藥者。有先下羣藥留一二味後下者。爲看護人。須分別清楚。
- (10) 管理人於看護煎藥時。當檢查其是否適宜。
- (11) 凡煎藥時。藥引有先下後下之別。不可不知。
- (12) 凡清火之劑宜涼飲。或畧溫。不可過熱。甚有用雪水冰水者。不可不知。至於

醫 師 門

七十六

發表之劑。取其容易發汗。宜熱飲。或飲畢啜粥。蓋被溫臥。

(13) 看護人於煎藥畢濾渣時。尤須格外潔淨及謹慎。

(14) 遇病人服藥時。看護人要親視之。有服藥不守規則者。可以和平勸導。

(15) 看護人平時須細心研究煎藥法。及藥理病理。稍有不明。即問醫士或管理
人。

醫 案 門

關於腦病之療法

理事 費夢萼

程文彬治一婦患頭風。雖盛暑必以帕蒙首。稍見風寒。痛不可忍。百藥不效。蓋因腦受風寒。氣血兩虛。氣不能升。故藥不效。今病人口含冷水。仰臥。以薑汁灌入鼻中。痛立止。與補中益氣加細辛川芎蔓荊白芍數服而愈。用薑汁灌鼻中。開久鬱之風寒也。若寒濕頭痛。用獨顆蒜汁滴之。火鬱頭痛。用白萊菔汁滴之。左患滴右鼻。右患滴左鼻。

芎按鼻為肺之門戶。亦為腦之竅道。良以鼻腔內部。上貫乎腦。而下通乎肺也。故腦漏鼻淵。穢毒薰腦。鼻柱腐壞。文彬此案。運用灌鼻。俾其直達腦部。法既簡捷。效復神速。可謂大開療治腦病之法門。惟行灌注時。必囑病人口含溫水。仰臥。頭部向下低傾。喉間作忍住吞飲之勢。則灌注之汁。直流腦部。不至竄入咽。

喉。若灌汁刺激性猛者。〔如薑汁之辛辣〕則含冷水爲宜。使鼻神經一時鈍麻。不致引起噴嚏之反感。尤宜注意者。灌注之藥汁。必須用潔棉濾清。不含些許渣滓。庶無貽辛額之後患。文彬雖未言及。而讀者不可不知也。藝讀裕陵傳。有王荆公徧頭痛。禁中秘方一則。方用生萊菔汁一蜆壳。仰臥注鼻中。不論其是否由文彬處得來。而灌鼻之療法。確可深信。後世醫者不知採用。惜哉。昔虞恒德治一婦中風暴仆。神昏口噤。喉如拽鋸。虞先以藜蘆末一錢加麝香少許灌入鼻孔。得吐痰升許。始知人事。然後進藥調理而痊。此亦運用灌鼻之法。不過用以達喉通竅。取徑懸殊。故用法亦異。讀者細細參究。自能明其方法之用意。此正鼻腔內部。上貫乎腦。下通乎肺。故不僅療治腦病之可能也。用附識之。

喻嘉言治吳添官生母。時多暴怒。以致經行復止。入秋以來。漸覺氣逆上厥。如坐舟船之狀。動輒暈去。久久臥於床中。時若天翻地覆。不能強起。百般醫治不效。因用人參三五分。略寧片刻。最後服至五錢。一劑日費數金。意圖旦夕苟安。以視稚

子。究竟家產盡費。病轉凶危。大熱引飲。腦間有如刀劈。食少瀉多。已治後事。本無他望矣。聞喻返婁延診。許以可救。因委命以聽焉。喻謂怒甚則血菀於上。而氣不返於下者。名曰厥巔疾。厥者逆也。巔者高也。氣與血俱逆於高巔。故動輒眩暈也。又以上盛下虛者。過在少陽。少陽者足少陽膽也。膽之穴皆絡於腦。鬱怒之火。上攻於腦。得補而熾。其痛如劈。因爲厥巔之疾也。風火相煽。振搖而熱蒸。土木相凌。故艱食而多瀉也。於是會內經鐵落鎮墜之意。以代赭石龍膽草蘆薈黃連之屬。降其上逆之氣。以蜀漆丹皮赤芍之屬。行其上瀉之血。以牡蠣龍骨五味之屬。斂其浮游之神。最要在每劑中加入豬膽汁二枚。蓋以少陽熱熾。膽汁必乾。亟以同類濟之。資其持危扶顛之用。病者藥一入口。便若神返。其舍忘其苦口。連進十餘劑。服豬膽二十餘枚。熱退身涼。飲食有加。便瀉自止。遂能起床行動數步。然尙覺一身如葉。不能久支。喻恐藥味太苦。不宜多服。減去豬膽及蘆薈等藥。加入當歸一錢。人參三分。姜棗爲引。平調數日而全愈。

按嘉言此案。辨治悉本經義。可謂善於化裁。內經所謂厥。巔疾。卽今所謂腦病。嘉言當時並無西說引証。卽能妙悟斯旨。設非絕頂聰明。曷克臻此。而腦與膽之關係。闡明所及。直可駕西說而上之。尤足貴也。今人讀內經。既不明膽腦同列奇恒之府爲何故。復不解膽爲中精之府。又爲中正之官。決斷出焉。凡十一臟取於膽等句爲何理。茲得嘉言一筆點醒。奚快如之。此案用藥。會意鐵落鎮墜之法。而用赭石。已可謂妙到秋毫。而復佐用仲景桂枝去桂。近世傷寒論本作去芍非加蜀漆龍骨牡蠣救逆湯。以救人參溫補助火之誤。尤爲極化裁之能事。用猪膽汁者同類相濟。猶近今西藥 Pepsin (百布聖) 之療治胃液缺乏症。然總之此案不獨辨治精深。而於腦病發明。更爲透切。未可僅僅作醫案觀也。蜀漆卽蜀黍。昔人黍漆通用。非常山苗也。

通訊門

神州醫藥總會覆本會械

逕覆者頃接貴大函及建議書欣領一是。啟會對於提高中醫學術。發布醫校章程。迭向內教二部請願。雖蒙審核。迄未通行。現貴會因全國教育會聯合會本年。在貴省舉行。提出建議。冀學校統系中列入中醫專門。用保國粹而宏文化。曷勝欽佩。啟會當即將貴會來件。於常會中提交會議。一致贊同。合亟函覆。維希查照。實緝公誼此致云云。

奉天醫士公會致本會函

逕啓者接讀楊百城趙意空冉劍虹等提議書一分。為教育部學校系統漏列中醫一門。請公決咨部加入一案。卓識高見。醫界同欽。本會同人全體贊成。良以中醫發明最早。神妙莫測。為保存國粹計。為挽回利權計。非急謀結合。一致力爭。使

醫學系加入部章。作育醫材。視爲要圖。則中醫非惟無進步之可言。且恐難存於優勝劣敗之世紀。同人等學識雖謏。護道有責。謹具蕪函。願附驥尾。一致力爭。馳驅不辭。此覆云云。

陸晉笙君致本會槭

各省中醫學校醫藥學會醫學研究所諸君子公鑒。報載山西有請中醫學加入醫學統系公文。查諸教育部。並無此項呈文到部。而却有江蘇一小部分反對中醫學之公文。甚爲詭異。此事究歸原須由教部主政。故在京同人。已擬一公呈遞進。抄錄於後備鑒。各處似亦宜具文呈部。用快郵代電書寫郵寄亦已合式。如此庶力量較厚。用特登報奉聞。又教部主其事者。亦精通中醫。係燧舊友。有話可以面商。亦以中醫加入爲然。必盡力扶持也。宣南醫學會葛廉夫陸晉笙劉農伯譚鐵庵楊頌張耕龍章曉庭詹選青陶乃康江雋侯吳霞赤王佩德楊叔鴻陸成一等同啓附錄上教育部公文。

竊查中國醫學。本極精深。特以後世視醫學爲方技。積輕既久。不加提倡。僅爲市醫傳習。而士大夫通其術者。幾如鳳毛麟角。致深微之學理。無人能曉。而文人著書。又專尙空談。間有臆說。自西醫以排山倒海之力。侵入我國。而揚西抑中之徒。輒挾中國醫書一二誤謬之處。概其全體。以爲中醫無一顧之價值。而當日奏定學堂章程。又抄襲日本醫科大學章程。全用西醫。廢棄中學。因定章程之人。本不知醫。徒依樣葫蘆。以取便捷。鑄此大錯。致中醫無立足之地。而每年行銷西藥。至數百萬之鉅。彼從西醫受業者。固未嘗讀中國古書。爲虎作倀。亦復何責。而從前主持學術者。乃亦坐視其弊。不加糾正。此於愛國宗旨。未免戾矣。夫地廣大荒。而不治。爲士之辱。今學術精博。而亦荒而不治。寧受他方之侵略。士之恥。亦國之恥也。今學聯會開會太原。有學校系統列入中醫課程之提案。此乃正當辦法。惟恐有爲西醫作倀者。從中阻撓。以遂其專利之行爲。若非大部毅力主持。迅將醫科大學章程改定。恐異議紛來。軒岐絕學。終爲有勢力所壓抑。而不得伸。此非學術

是非問題乃勢力消長問題也。所望教育當局同秉此旨。冀將來中西醫有溝通之望。而不使學者以入主出奴之見。橫加歧視也。義關學術之開通。非僅保存乎國粹。確見灼知。理難緘默。伏希大部察核施行。學術幸甚。社會幸甚。

本會覆陸君晉笙械

逕啓者。頃奉華函暨附錄上教育部公文。拜讀一過。具見熱心毅力。衆志成城。曷勝欽佩。教部學校系統。獨不列入中醫學校。人皆不平。然揆厥所由。則以當日教部編定學校系統時。中醫雖千百倍於西醫之多。而中醫學校。則固寥寥無幾。此其所以未列也。今則中醫學校林立矣。必應列入。而無人發起。幸得卍雪峯君首先創議。其提議書課程表。亦非一朝一夕所擬就者。但係黃帝子孫。讀之誰不有動於中。而本年教育改進社開會時。竟有人多方阻撓。幸得通過。而報紙所載。又有人反對。是誠何心。先生近在都門。又與教部諸公接洽。必能達到目的。無任感綬。惟此後編纂教科書。決降一手一足所能辦到。望與海內同志從長計議。俾歧

黃舊學。不至如廣陵散絕響人間。皆諸先生之賜也。除將原稿遵載雜誌外。〔下畧〕

葛廉夫君致本會械

〔上略〕昨奉保存中醫提議書。捧讀之下。具見諸公深心大用。保粹國粹之苦心。所擬條件。擘劃周詳。不過中國人心不齊。只有五分鐘熱度也。恐手續太繁。言之易而行之難。安得使全國人心一致耶。在上者安得使人人如閻公熱心提倡久而益堅耶。以愚意而論。無論保存與否。學校勢在必興。若如西醫嚙語。謂五十年後中醫定見消滅。不能存於世界之上。謂猶五十年後。中醫定卜中興。耀華光於全球。並非虛誇。現在美國廣搜中國醫書。頗採用中國藥品。嘗有美人之素識者。過門卽喜說中醫之掌故。此一証也。中國當道。滿口獎勵西醫。而西醫亦結合團體。等於商戰。其內容因國之強弱起點。生出二種拍馬壓制性質。中國顯者誇西醫。乃口頭禪拍馬戲。其實家中日日延中醫。西醫倚其國勢與團體。藉施其壓力

耳。之人尙有謬見。能將中醫書之哲作。譯成西文。遍送各國醫院醫會與旅華各國之西醫。夫醫者理也。理長者占優勝。西醫亦無非據理而談。彼不過未窺中醫宮室之美。百官之富。室家之好耳。蓋以醫書繙譯不易。且無人提倡。譬如中西賭博不一。拍克盛行於中國。而麻雀即盛傳於歐美。區區蔡子民創廢四書中醫之謬舉。豈伊一人之妄。而天下竟公然盲從耶。只要我輩結合百不可解之團體。能辦到習西醫者非從中醫進步不可。著以爲令。便成金剛不壞身。西醫其如予何哉。重在實力奉行。不事口頭辯論。其中有最難感化者。中國人之西醫。儒理不通。流品太雜。只要能將此輩感化。中醫之勃然復興。且跳躍於全球。亦指顧問事耳。諸公如有偉舉。僕當追隨其後。一息尙存。此志不容少懈。質之高明以爲何如云云。

楊志一君致本會

竊思中醫爲我國數十年之絕學。其診斷之深切著明。治病之效如桴鼓。學說之

喬皇宏大。較之西醫實勝一籌。爲世界學術之一種。中華國粹之一端也。且年來中醫界設醫校立醫會以謀發展。而總落西醫之後者。非學術不敵於彼也。實政府未能加以提倡。教部學校系統未列中醫一門。有以致之耳。今讀十五期醫學雜誌。知有冉雪峯先生要求中國教育改進社轉咨教部將中醫學校課程加入學校系統之提議。誠發展中醫之根本計畫。爲不可易矣。諸公慨中醫之淪亡。以振興爲己任。定能發起提議於前。堅持到底於後。非達目的不止。抑又有進者。凡一事之成就。專賴羣策羣力。所謂衆志成城。衆擎易舉也。况此舉關係全國之命脈乎。尤宜全副精神以赴之。用敢專函上達。務請貴會通函全國各中醫學校各中醫學會。羣起力爭。以爲後盾。而諸公爲此舉之先鋒。庶無孤掌難鳴之虞。達圓滿之目的。爲中醫大放光明。此則鄙人所馨香禱祝於諸公者也。

周禹錫君致本會緘

〔上略〕頃閱二十五期雜誌。載有楊趙二公同冉君雪峯聯合同志請於中華教

育改進社。提議將中醫學校加入學校統系一案。拜誦之下欣慰無暨。我國五千年來未絕如縷之醫學。賴公等奮然振起。立千秋道範。開萬世良模。昔如來發誓普渡衆生。同歸極樂。公等此舉。豈非普渡衆生同登壽域歟。再錫不敏。既弗能倡改進之先聲。又弗能附諸公之驥尾。茲者勉據管見以供採納。蓋議案公決咨部加入學校統系。想教育界當道者。同屬國人。必能俯順國情。毋庸他議。所慮者編纂教科書爲第一難事。蓋古今之氣候不同。南北之風土各異。醫書之純駁不等。醫家之見解不同。若據二三人之學識而編纂之。必有不圓滿之缺憾。鄙意莫若由貴會發起。先開一全國醫士調查會。披露於雜誌之端。宣告海內醫家。各將姓名行號年齡出身及本人之著作種類與最近四寸半身像片並通訊處。詳開逕寄貴會。限若干時日收齊。彙成全國醫生調查表。再將應編之科學內容。纂輯大意。另別一表。連同前表分寄調查表內列名諸大家。各人量力担任編輯何種科學。或獨任一科。或聯數人同任一科。限期纂成。將稿繕寄。更組織醫學審查會評

論會酌為修改。如此編成之後。再開全國醫學善後協議會。擇一中心地址。〔如武漢為天下中心地點四通八達往來便利可作此會地址〕先兩月通告全國醫學界俾屆時赴會公議評決。咨部註案。俾成萬世教育之金科。千古不改之鐵案。見若此。未審高明以為如何。附表式一紙。

全國醫士調查表式

姓名	分行號	年 齡	出 身	著 作	醫 書	通 訊 處
鄒代權	趾痕	七十二		專學治癆心法 六氣方論讀 胎產辨 症 醫學標本詳解 重刊鴻音 醫社會談日記 天年	四川重慶培德堂巷 二十二號天年醫社	
李芑園	以字	六十三	清 邑 庠	千金集要淺歌	四川萬縣城內中醫 藥社轉后山新場	
周禹錫	以字	三十二	中學畢業 習中西醫	傷寒三字經 拯災軒醫案筆記 醫學 會談 醫方隨抄 診餘問話	四川萬縣城內中西 醫社轉拯災軒醫社	

第二十八期 通訊門

九

王一仁君囑登雜誌原概

爲中醫應列學校系統及詰余君雲岫

中醫治病之功效。在社會事實之証明。爲病家之保障者。歷數千年之久。決非空言所能消長。惟其爲學。非中智以下淺嘗膚學者所能精。應由教部規定課程。創設學校之議。不自今始。邇者中華教育改進社在太原開會。江蘇全省中醫聯合會。有呈請中醫立案。共分八款。其所敘述。皆根據事實。釐然有當於人心。〔載該會三十九期月刊索閱者可致函西門石皮弄該會〕余巖君作論駁議。語多偏頗。不直則道不見。非好辨也。不得已也。

據余君所述。雖以中醫與星卜同列。而駁蘇醫聯合會不當根據歷史之陳迹。以爲立案之標準云云。曰科學昌明。凡百學術。已無神祕之可言。古之民智未開。醫藥未備。〔方治畧備於後漢。閱張仲景傷寒金匱可見〕陰陽卜筮巫祝之流。故得乘其隙。假以治病。祝由云者。亦含有精神學之意味也。但究其指歸。無形象可見。

無標準可尋。有近於神祕。迨民智漸開。歷年久而漸次汰滅。且內經明言古之治病。視由而已。足徵當時已不適用。若夫中醫學術則繼承演繹者。代有傳人。舉措實施。功效卓著。此其歷史。決非星卜可與共論。所以相提引說者。聊以闢世俗醫卜並論之見耳。乃曰斥星卜浮誇爲不當。強責以入主出奴之見。夫豈其然。苟余氏而非西醫。則其言爲謬解。余氏而果西醫。則其仇視中醫之心。躍然紙上。寧能免於入主出奴誚乎。
(未完)

教育部改進社社員趙意空楊百城再劍虹上教育部函

教育部鈞鑒。敬肅者。竊查中國醫學。自軒岐首出靈素經傳。洩造化之機緘。剖陰陽之秘鑰。長沙繼起。醫中聖人。唐宋迄今。雖學派稍歧。而本源則一。五千餘年人類繁殖。爲全球冠。未始非此項醫學所維持。自歐風東漸。西醫大昌。中華醫術日就論晦。命脈所關。良用祇懼。近年來晉鄂蘇浙各省設立中醫學校。爭先恐後。培植人材。闡揚國學。冀中醫成一高等有系統之學科。所以重民命順人情也。惟查

大部編定學校統系。未列中醫一門。蓋當時中醫雖千百倍於西醫之多。而中醫學校則寥寥無幾。漏列亦勢所必然。今則中醫校會林立。且中西氣候習慣體質委實不同。而治療方法亦異。中醫一門。萬難聽其消滅。於是同人等於今歲夏間。就中華教育改進社在晉省開第四次大會時。曾經備具提議書及課程表。由該社審察咨請大部察核。將中醫一門。規定學科課程。列入學校系統。當經議決。全體通過。事經數月。海內喁喁企盼。用敢冒昧肅稟。將提議書一併寄呈。伏祈俯允。迅賜發表。不勝迫切悚惶待命之至。云云。

全國教育聯會議決請教育部明定中醫課程并列入 醫學校規程案

〔理由〕查我國醫學。已歷數千年。人類繁殖。為世界魁。未始非此項醫學所維持。前此日本亦宗中醫。謂之漢醫。近日本市政廳長尾藻城氏。著和漢醫學與科學的研究云。明治維新時改用西醫。將我邦古來醫家所研究之多數成

績。全然截斷。此偉大之損失。千古恨事。倘將和漢醫藥安於科學之上。而爲科學之研究。則其所獲必有出人意者。夫日本之於中醫。以言語文字之隔閡。且不過間接國粹。乃當今西醫昌明。佔世界第二位置時。而由後溯前。尙不勝其追悔慨嘆。况我固有國粹。經數千年之研究。而可忍與淪胥乎。學校根本培養。誠要圖矣。此中醫應加入學校規程之理由一。今西醫行而信仰中醫者。仍不稍減。蓋以中西氣候習慣體質之不問。而治療優劣得失因之各異。我國地大民衆。人殊秉賦。正宜集聰穎之學子。彙歷代之著作。從事整理。精密研求。使中醫成爲有系統之科學。蔚爲專科。用資闡揚。此中醫應加入醫學規程之理由二。查我國富有天產藥品。百倍泰西。全國商民之業。藥者何止億萬。而每年貿銷價值。更不可以數計。倘中醫以科學方法研究之。而日加發皇。則中藥之效用。自亦因科學方法之研究。而日有進步。增不可可數計之財源。關係國富。實非淺鮮。方今我國貧弱已極。愛國之士。無論

朝野莫不曰維持國貨。維持國貨。獨於醫藥之大宗國貨。而可拋棄乎。此中醫應加入醫學規程之理由。三。查教育部學校課程。有西醫而無中醫。致令辦此項學校者。無矩矱可遵。住此項學校者。無學位可望。是不啻以法律限制學術。爲自滅文化之政策。故欲振興中醫。非辦學校不可。欲辦學校。非明定課程不可。茲擬辦法如左。

辦法（一）陳請教育部聘請中醫專家。議定中醫學科課程。

（二）醫學校內應設中醫一科。遇需要時。亦得設立單科中醫學校。

劉蔚楚君答周君小農屢問何以罕言西藥

（上略）凡治病者首貴識症。次貴用藥。苟未識症。未善用藥。雖自號貫通中西醫學。目藏日月。手玩山河。獨誇洞澈。試問絲毫裨益於病人否乎。弟自與先生通函。皆說學問無窮。從未作過一誇張語。獨歷言對於中醫藥學之薄有見解。何也。人以他人之生命試藥。弟以自己之生命試藥。藥經萬用。周接良師。三十餘年。不

覺而吾身已老。是以謂^弟學識未到。則深服之。如謂^弟用藥太謬。則未服也。此外他人種種學問。有實用者。敢不百拜欽崇。祇有太僻西藥。太偏西醫。親見至親戚。鄙有誤事者太多。故西藥雖間有用時。而多付諸未達慎嘗之例。究以自非深知專門化學。自未能透釋其所以然。僅能以此答先生屢問何以罕言西藥之故而已。

俞鑑泉君致本會緘

（上略）前接尊翰藉悉一是^{鄙人}。丁此新舊學說競爭之時。對於偏見者殊覺咄咄。前聞學界教習者曰。以古來固有之學說再研究之。謂之依賴性質。故教科必陳言務去。力求新穎。信如斯言。則我方以為新者。在彼已為舊矣。或者今以為新得之理。而古人或先我言之矣。彼欲盡棄其學而學之者。既不欲不依賴於古。惟有依賴於人耳。依賴別人。果為何等性質。不忍明言。然我所無者。無論為古為新。均當學之。吾醫之缺點。全在解剖上之手術。缺者補之可矣。奈何時髦者非但欲

盡棄其學而學之。且於古學吹毛求疵，多端毀謗，一若毫無足重者。此鄙人所以
 嘵嘵不已也。

張春水君致本會械

讀貴誌三十六冊內載張汝偉致貴會函。說章氏太炎之比附五行支離不經，而
 惲氏欺人太甚等語。但汝偉先生對於廢棄五行之說爲不足訓，尙矣。而惲氏確
 並未爲章氏張目也。查登載醫學雜誌之按語，非惲氏之說，乃該社某氏稱造之
 言。惲氏實一毫不知。蓋惲氏之著羣經見智錄，對於五行等說，深爲發輝。至於按
 語加惲氏字樣，亦爲編雜誌者之諒想爲然。固不足爲惲氏罪也。此中真相未明，
 未免誣人。故敢辨之如此。至於章氏太炎之創辦函授，亦並非章氏自己所辦。有
 一二好事者爲之耳。若研究學說，本屬各人自由。此亦不必辨耳。因恐傳聞失實，
 對於章氏惲氏不知真相者，故特言之。請刊入來函通訊門類爲感。中醫學社廣
 告亦請取消云云。

譯叢門

梅毒治療之考察

楊永超譯

在傳染病中。治療上之問題。除結核而外。當推梅毒爲最要。吾人苟細心觀察。可曉然於斯病對於人民之健康。有如何密切之關係焉。至一千九百十年。H. H. H. 之六零六加入治療中。一似舉病者之惶恐。可一鼓而滅也。甚至樂天派者。且以爲斯病斷絕之時期可預計也。但此種的思想發生未久而。一般人又別有表示。謂是法對於已染病菌之體內。其消毒作用。恐未能盡如 *W. H. H.* 之所希望。殆其後聲浪愈高。以爲六零六對於梅毒之經過。是否有一部分人發現不良之作用。此種作用。或以爲能增高梅毒菌與神經之愛力。凡危險病人之增加。多由神經梅毒而來。或以爲六零六未能完全消毒。但借其有力之消毒作用。可影響於天然治癒之材料生成。轉致經過的緩慢。此等辯論。不得謂其毫無理由。因

患者之治療不足。每在後期之經過發生一定的危險。Pratt及Mueger已證明此種不充足之治療。以六零六爲最著。確可使梅毒之毒力及其與神經之愛力增高。加以晚年以來。梅毒之統計特別增加。亦似足與若輩以口實。因斯二者而議論叢生矣。雖然梅毒增多之原因。固不僅在於斯也。嘗觀夫通都大邑。居民雜處。房屋狹小。已開傳染之門徑。加以生活困難。無力治療。卽或施治。而借六零六之有力作用。因表面之症候忽滅。卽認爲永久之治癒。不復著意於醫生之忠告而斷絕治療。此更爲傳染之一大原因。惡得專咎六零六之功效可疑耶。據近十四年之經驗。六零六在驅梅毒中。確占有最高之價值。但不得專恃此耳。其他如水銀銻碘各劑。及自身之天然對抗材料。均爲不可缺之品。其功效雖未能盡如Fenion等之所希望。而獨具一種有力之殺菌作用。確可斷言。此種作用。在三四禮拜以內受傳染者。可迅速痊癒。縮短治療。其他莫及。因其迅速之殺菌作用。並可減少傳染之危險。故用六零六之充足治療。在二十四點以內。卽可使

一期病灶中之細菌斷絕而水銀治療。即充足之分劑。在一禮拜以內尙有梅毒可症。鈹劑治療亦必須三四次之注射。始得效果焉。據以上的觀察。論者謂六零六具有直接的殺菌作用。而水銀鈹劑係間接的。但據培養基之證明。却非然也。Hirantof氏曾以梅毒置於含六零六之培養基中。且其分劑較倍於在人體內。斯時梅毒之生活甚佳。而繁殖亦自若。此可知六零六亦須經過組織細胞。再現其作用於梅毒。與水銀等劑同爲間接的殺菌。Fleisch則謂六零六雖不現作用於培養基內。但入人體以後。即變爲有力之作用。理或然歟。關於水銀劑入體之理解。尙未能盡曉。多數人以爲除其症候治療外。亦具一種的殺菌能力。然非謂其能直接殺菌也。亦非謂其能阻止細菌之繁殖也。或者能使菌之生活條件變爲不良。抑或者借對抗體之生成。增高其天然之對抗力。其對抗體之所以生成。或歸於Protoplasma之增強。或歸於刺激的治療。其中猶以Follin-Dechemi的機轉爲最有勢力。〔未完〕

雜俎門

龜板

錄丹波氏醫腋

馮夢禎快雪堂集。載王節齋先生。素工醫。撫蜀時。患蟲病。訪知青城山有隱者能治。招之不來。乃躬造之一宿。隱者脈之云。此蟲病也。問何以致此。乃詰其嘗所服藥。云素服補陰丸。曰是矣。其蟲乃龜板所致。龜久生之物。惟敗龜板入藥。不得已用生解者。須酥炙極透。應手如粉者良。少堅得人之生氣。其生氣復續。乃爲蟲耳。此非藥餌所治。公自今壽尙可三年。猶及生子。公遂歸。三年生子而卒。龜板良藥。製法一乖。取禍如此。以節齋之善醫。尙有此矣。醫可輕言哉。庚寅八月二十一日。聞之姜子幹。按王節齋本草集要云。龜乃陰中至陰之物。稟北方之氣而生。故能補陰血不足。又方家以其靈於物。故用以補心甚效。此說蓋出於丹溪。王氏深信丹溪。不啻筆之於書。自用以取禍如此。抑似愚焉。然龜板爲蟲之說。亦難信據。而

又紫桃軒雜綴所載一事。殆與此相類云。昔潤州一大老。性喜服食。所製補劑。中用敗龜板。餌之垂十年。頗健朗。晚歲忽患蟲膈。厭厭就盡。乃謁白飛霞。飛霞診之。良久曰。此瘕也。公豈餌龜板藥耶。今滿腹皆龜。吾藥能逐之。其在骨節。膚腠中者。非吾藥所能也。公可速治後事。乃與赤丸數粒。服之下。龜如菽大者升餘。得稍寬。不數月仍斂。易簣時。驗小遺。悉有細蟲。髣髴龜形。其得氣而傳化如此。可畏哉。

星期徵稿選刊

問有人素好滋補久之口舌乾燥腦後作痛神思不爽
飲食減少食肉則瀉六脈實大當用何法治之

梁餘生

醫諺云不能治其虛。安治其餘。是以市醫動則用補。謂誤補一瀉則平。若誤瀉傷正。恐有不及補救者。補之中又分溫補滋補兩門。扶陽者重溫補。益陰者重滋補。然傷寒先存津液。各病化火居多。故經云陰精所奉其人壽。則滋補尤要也。獨是果係真陰不足。當滋補者用之方宜。然又必須量病之深淺下劑。否則陽虛補陰。陰虛補陽。病重藥輕。病輕藥重。鮮不僨事。今有一人素好滋補。久之發生各證。口舌乾燥。腦後作痛。類過於溫補之質火上攻證。其神思不爽。飲食減少。類過於溫補之壯火食氣證。其六脈實大。似乎多服參芪。其食肉則瀉。又似過投歸地。按脈

辨證。雖不盡由於溫補。似亦非純由滋補也。不知此人素好滋補。其食肉則瀉。即滋補滑腸之實驗。溫補無此也。據此則口舌乾燥。腦後作痛。乃陰盛於下。格陽於上。也不惟非溫補之過。抑亦非水虧火炎之過。何則以其脈非虛數也。其神思不爽。飲食減少。乃濕濁內蟠。樞機反阻也。不惟非溫補之失。抑亦非胃弱脾敗之失。何則以其脈皆實大也。然則此證純粹由於頻投滋膩養陰。倘陽分素弱。必至水泛為痰。寒嗽證作矣。今不然者。其陽分素壯可知。惟陽分素壯。故常慮陰虛而好滋補。滋補既久。而所現多火在水上之未濟證。決非水不及火之陰虛證。陰虛證治當壯水以制陽光。陽虛證治當益火以消陰翳。此證陽不虛而陰格之。治不在壯水而在消翳。亦不在益火而在降火。降火藥仍主寒涼。苓連等是也。如上清丸之類。須每晚臨睡服。取其藥氣不遽降。既利於清上。且無礙下部之滑瀉。消翳藥仍主辛熱桂附等是也。如八味湯之類。須每早待冷服。取其藥力能直降。既利於瀉下。且無碍上焦之乾燥。但桂附不宜多服。苓連亦勿久用。俟火降翳消。再以

冲和藥調理脾胃。或分利濕邪。或滌除垢膩。庶乎可以神思爽而飲食增。口舌和而泄瀉止。六脈亦自調勻矣。是法也。分言之。卽古人之清解頭腦法。肅清肺胃法。導龍入海法。引火歸原法。培養中宮法。疏通二腑法。合言之。卽做王孟英氏溫腎水。肅上源。培中土。三焦分治之法也。

有某夏杪患感多醫廣藥病勢日增其脈右寸關滑數上溢左手絃數其證耳聾口苦熱甚於夜胸次迷悶頻吐粘沫啜飲咽喉阻塞便溏溺赤間有譫語此何病也當用何方治之

陶復泰

經曰凡病傷寒而成溫者。先夏至爲病溫。後夏至爲病暑。暑卽熱之謂也。又曰秋分以前皆得以熱病名之。秋分以後皆得以傷寒名之。據經攷之。夏杪患感。正夏至之後。秋分之前。其爲熱病也無疑。按脈象弦滑而數者。乃無形風溫。蘊蒸氣分。挾有形之痰濁。互阻肺胃。風燥傷肺。肺氣不行。溫邪伏胃。陽明熱盛。此無他。必醫

者不知和解之法。峻用寒涼之劑。則寒包於外。而熱鬱於中矣。延踰一月。伏邪橫行。肺氣傷。肝氣無制。肝氣旺。胃土受傷。土爲中央之府。中央傷。子母無制。子母無制。必相欺侮。故有耳聾。口苦。熱甚於夜。胸次迷悶。頻吐粘沫。噉飲。咽喉阻塞。便溏。溺赤。間有譫語等證。象其經各異。夫耳聾者。熱處濕中。蒸淫之氣。上迫清竅。不與少陽之耳聾同例而語也。口苦者。少陽屬膽。膽木味酸。熱與酸化而爲苦。熱甚於夜者。以夜屬陰故也。胸次迷悶者。痰火上壅。氣管阻塞。或爲霍亂也。口吐粘沫者。口必甜味。是熱化脾土。而爲脾瘴病也。噉飲者。火燥津液。津液告枯。當有口渴也。咽喉阻塞者。由於君相二火並熾。呼吸不通。言語不出。咽嗑喉痺。咽喉俱病。此乃天地之氣閉塞也。便溏者。或爲暑中寒。邪未盡故也。溺赤者。熱化腎水也。間有譫語者。胃燥故也。或熱入心包者。亦作譫語也。由此各證言之。無論何經受病。總不外乎一熱字。謂其爲熱病也。更無疑矣。故爲治之法。惟宜清熱導滯而已。慮其化火入營。致有痲厥之變。亟宜逐溫達邪。清神滌痰。潤腸通腑。和胃生津。表裏兼

願。擬方於左。

第二十八期 星期徵稿選刊

一百〇六

- | | | | | |
|------|------|------|-----|------|
| 全瓜蒌 | 生甘草 | 粉丹皮 | 鮮竹茹 | 黑山梔 |
| 川象貝 | 帶心連翹 | 淡豆豉 | 天花粉 | 鮮竹葉心 |
| 活蘆茅根 | 地栗汁 | 白蘿蔔汁 | | |

沖

針灸討論會治法選刊

針暈之原因

徐世長

用針之際。最貴從容。若稍爲急迫。必有針暈之患。考其致暈之原因。蓋有二種。一因其人氣虛。一因病者怯針。氣虛者。謂入針之後。尙覺安好。少時針下得氣。其人暈倒。此非氣虛之明徵乎。怯針者。不待得氣與否。針一入。其人即昏暈不知矣。蓋因其人先存一種恐懼之心。膽先已怯。膽怯則十一臟無所取決。而氣亂。氣亂無主。則神氣飛揚。故一入針則昏暈不知矣。夫欲免針暈之患。其氣虛者。未刺之先。少進飲食。以助其氣。勿使過飽。飽則氣滯矣。其怯針者。必先曉以用針之大意。再告其不甚疼痛語。令病者心氣和平。喜悅針治。而醫者更以手法輕軟。舉動從容。如此行之。自無針暈之患矣。觀素問刺禁論言。無刺大饑人。無刺大飽人。無刺大渴人。無刺大勞人。又言已內勿刺。已刺勿內。大驚卒恐。以及醉飽。皆在刺禁之例。

第二十八期 針灸討論會治法選刊

一百〇八

必須令病者心平氣和。饑飽適宜之時。方可刺之。此蓋爲尋常之理也。若遇暴病卒死。又不可拘執此理矣。

問石瘕生於胞中。月事不以時下。岐伯謂可導而下。

下而瘕自可去。腸覃客於腸外。而月事以時下。既以時下。內無惡血可知。而馬氏謂二症皆可導而下之。其導之之法。或針或灸。是否異同。試詳論之。

賈宗誼

石瘕腸覃者。皆因風寒所客。客於榮分。深入子門者。則爲石瘕。客於衛分。深入腸外。則爲腸覃。榮者血也。衛者氣也。胞中者血海也。爲血生之地。腸外者氣街也。氣往來之途。月事不以時下而成瘕者。由血瘀者可知。覃在腸外。不在胞中。月事以時下者。內無瘀血。亦可知矣。腸覃既非瘀血。乃係氣鬱。若非氣鬱。何能如鷄卵懷子之狀乎。此仲景所謂血結胞門。其瘕不瀉。名曰血分。大氣一轉。其氣乃散。名曰

氣分者是也。馬氏謂二症皆可導而下之者。是導石瘕之瘀血導腸覃之氣聚也。由此觀之。在血在氣既不同。其導之之針灸亦當有異。病石瘕者。宜刺任之關元中極。衝之氣穴。灸三陰交。使任衝通而血自下。再服下瘀血湯以導其血。病腸覃者。可刺肝之期門。脾之腹結大橫。灸三陰交章門。使陰陽相得。其氣乃行。再服小承氣湯加三稜莪朮以導其氣。血下而瘕自去。氣散而覃自除。故馬氏謂二症皆可導而下之也。

第二十八期 廣告門

一百一十

編輯處啓事

啓者古今醫案充棟汗牛竊謂案者法也老吏斷獄鐵案如山熟於法耳若平平無奇或以病試藥偶然倖中者似未可以案稱本雜誌醫案門多選古人精粹良法畧別種類分期登載現仍資料無多凡我同人熟於前輩醫案醫界舊聞名醫歷史筆記瑣錄之類望祈隨時抄示俾便分登一俟彙集較多彙刊成帙定當奉酬若干冊以副雅贖不勝企盼之至

楊百城謹啓
趙意空

***楊如侯先生靈素生理新論出版廣告 是書原擬刷印**

一千部嗣以不敷銷售特再加印五百部以公同好兼爲振興國學溝通中西起見將本書原價定爲實碼八折每部售洋三元二角其躉購十部者另贈一部遠道並免去郵費以期普及郵票代洋九五折算書存無多購請從速

代售處山西省城中醫改進研究會
橋頭街航慈醫院

中醫雜誌

上海西門內石皮弄中醫學會發行

中醫雜誌一至四期彙選

上下兩厚册 實價一元二角 加郵八分

中醫雜誌已出十三期

每期實價兩角五分 加郵三分

六期實價一元四角

加郵一角八分 十二期實價二元二角 加郵三角六分

(郵票寄購以半分至三分為限九五折算兌匯洋款掛號免誤)
(歐美南洋新加坡等處郵費照增三倍)

介紹

江蘇全省中醫聯合會 月刊 已出三十四期 每份大洋二分 全年連郵三角四分

江蘇全省中醫聯合會 一至二十期彙編 每册實洋五角 郵費八分

三益學社 文中醫科函授部 章程函索即寄

滄海詩文刊 已出八期 每份大洋三分

上列介紹各項由上海中醫學會代轉

張壽甫先生四期衷中參西錄每部定價一元郵費五分滄

州立達醫院發售

第二十八期 廣告門

百十一

第二十八期 廣告

一百十二

介紹浙江紹興醫藥月報

紹興醫藥月報為浙紹何廉臣先生編輯內容精美每月一期定價一角全年一元半年五角五分郵費每期五釐全年六分民國十三年正月出版發行所紹城石門橋紹興醫藥月報社及紹城大街天芝堂藥號

三三醫書創刊啓

癸亥夏本社主任裘君吉生以歷年所獲醫家秘笈並同社投寄著述擬付刊傳世遂遷杭垣蓋為印刷便利計也詎醫報改組不數期而承印之武林印書館適遭鄰火稿亦被焚幸醫書尚在編輯中未見波及然因之遲誤半載現荷文化印書局倪君憂天與弘文印書局蔡君貽最以最低工價許即承印今將第一集先由弘文代印仍本醫者須讀三世書求三艾方能三折肱之義名曰三三醫書以短篇不成卷冊之稿已刊三三醫報按旬發行而成卷專書自應單行印傳爰定每集三十三種每種一卷或數卷不等分訂洋裝本限一個月至少出版三種速則三個月出版一集以極廉之價收回成本三期分繳第一期洋三元三角惠到即將已出版者先行郵奉出書至三分之一再惠第二期洋三元三角出書至三分之一即將出版第三期三元三角惠清除面取外每次加郵費三角三分其洋倘荷一次併惠兩期則第三期得以免繳以答高誼此舉成本浩大每集祇印三百三十部無論何種概不零售完以後亦不再版有人翻印無任歡迎對於稿主亦懇奉送一集決算苟有餘利誓必貼入二集多印大部書稿尚有第一集未及付刊之稿第二集自當編入第二集正在選輯稿愿行世者速行寄社

中華民國十三年三月三日三三醫社敬啓

三三醫報發行廣告

每旬一册 十二年七月三日第一期出版

編輯者 紹興裘吉生

發行者 三三醫報社

印刷者 武林印書館

寄售處 各省大書坊

定價表費須先惠

費 外 國	郵 本 國	郵 日 本	定 價	冊 數
	五	五	一	一
	厘一角六分五厘	厘一角六分五厘	角三元	冊全年三十三冊
二	分六角六分			

第二十八期 廣告門

中風斟詮發行廣告

全部三卷

定價官堆紙每部壹元伍角 重太紙每部壹元實洋

著 作 者 嘉定山雷張壽頤

總發行者 蘭谿中醫學校

印 刷 者 蘭谿福華石印所

江蘇全省 中醫聯合會

第二十八期 廣告門

一百十四

月刊

討論自治計劃提倡合群促成醫會之普及振興醫界
宗旨 事業 護助 醫林 抗拒 非法 摧殘 本良心之主導播鼓勵

之先聲

已出六期○欲購從速○

專事研究學術每期增刊一門順時令之變遷為編輯
之標準採集古今方案彙選名宿佳作發揮透澈可為

增刊

臨症之導師

增進學業○快讀此報○

刊

(報價 每期二張定價大洋二分郵費一分)
全年二角四分郵費照加

發行處 上海邑廟東
本會發行部

贈送醫醫醫病集

醫醫醫病集為上海黃社出版一二兩集風行海內現因戰爭關係致第三集不
克出版按所有定款通知退回今該集廢餘尚多請附郵票十分寄上海王信
義濱醫藥圖書館黃社善後辦事處立刻奉上

嚴氏金匱廣義出版廣告

是書爲慈谿嚴鴻志先生所著內容精美外觀雋雅洋裝兩巨冊定價大洋壹元貳角現售照碼九折十部以上八折連郵費在內以十三年舊曆十二月爲限限滿不折不扣發行處在甯波慈谿東鄉費家市嚴氏養正學校遠地如以郵票代洋准三分以下之郵票爲合格按九五折計算書印無多購請從速

慈谿中醫學會同人公啓

張贊臣徵集驗方啟事

敬啓者贊臣每念病家疾若纏綿欲求其速愈而不得者深爲憫惜竊之不才擬集古今驗方彙纂成冊貢獻於世俾抱病者得以按方治病可無採薪之憂也如荷熱心同志惠賜驗方須以經驗實效信而有證者無任感禱惠賜諸君請於方後一一說明如何實效如何試驗因古今以來名爲驗方而充棟汗牛其效者鮮驗者寡也凡我同志隨時抄示一俟裒集較多卽行彙刊成帙定當奉酬若干冊以副雅贖不勝企盼姓字住址務乞另紙書明以便函候教一贊臣常寓上海二馬路雲南路口安康里第二百二十七號內如荷賜教無不達到

東亞醫學

月刊

定價 { 每月一冊大洋二角五分
 全年十二冊大洋二元五角

郵票代用作九折算

內容 分學說及實驗, 診療寶函, 綜說, 臨診講話, 處方集, 技術, 篇, 最近文獻, 藥物療法, 釋疑, 雜纂, 調查及統計, 新書及新藥, 介紹, 雜報等, 內容之豐富, 請以函索當呈樣本。

上海東寶興路三十八號

總發行所

東亞醫學社

分售處

上海商務印書館及地方分館

其他在中國著名書局

第二十八期 廣告門

一百十六

繪圖鍼灸傳真全書出版廣告

本會理事趙緝菴、孫祥麟、王郁文合著鍼灸傳真全書八卷、援引靈樞素問之精華加以詳切、註解曰內經刺法兩卷、採擇古代名醫鍼法、慎其從違曰名醫刺法兩卷、辨經絡繪圖形、更正

他書錯誤以求分明清切曰考正穴法兩卷本歷年心得經驗之術講真理求實效闡明岐黃
秘訣曰鍼灸傳真兩卷共成八卷卷各成本現已脫稿出版凡有志針學者請速購閱是盼

價目

每部 八本 定價大洋二圓三角

如買廿部以上者
按九扣核算
十部以上者
按九五扣核算

繪圖鍼灸傳真價目發行表

總發行所山西代縣亨利石印局
分發行所山西中醫改進研究會

剪子巷廣文齋書局

印刷所山西代縣亨利石印局

常熱中醫張汝偉特設通函論診科廣告

問 病
(甲) 叙述現病之狀態 凡寒熱咳不咳小便大便口渴不渴有汗無汗
及諸痛苦脈象苔色聲音所喜惡等有者填寫無者不必
(乙) 叙述病人之狀況 凡年歲業務男女育向信何種宗教素性急緩

第二十八期 廣告門

一百十七

第二十七期 廣告門

等逐一填明以資參考

一百十八

者 須 知

(丙) 叙述經過之情形 凡始起如何曾服何藥一切變態

(丁) 通函診治之取價 紙墨掛號費大洋壹角診費大洋六角

共計七角快信答復(即隨到隨復)連郵壹元空函不復

通信常熟顏港

無錫王旭高名書六種出版廣告

先生醫案。柳君寶詒已選入四家醫案。尚有退思集。穎方歌註。醫方證治彙編。歌訣。增訂醫方歌訣。醫方歌括。薛氏濕熱論歌訣。西溪書屋夜話錄。治肝秘訣。六種。於傷寒濕溫雜證肝病。闡解詳明。思路新穎。凡在醫林。尤堪研究。醫校學生。尤便誦習。茲由吳縣陸晉笙君重訂。小無錫周農君精校。交上海千頃堂石印。每部六角。八折掛號郵費一角。各省大書坊均有寄售。

分售處無錫西門外棉花卷周小農醫室

介紹學道新書金丹真傳

學道必須修養。修養端重。師傳奈今之道家。稍有承述。皆秘為奇貨。故作艱深。多立層次。使學者望而却步。似非大道為公之旨。茲有漱石生者。本其師傳。悟澈元

外 妙掃除秘密居奇之習將道家修養工夫合盤托出著書一卷名曰金丹真傳有志學道者但手此編自入終南捷徑現此書本會寄售每部實折八角郵費在

山西官民 日日必需
海內外 處處爭購

晉民快覽

之

Popular guide book of Shansi

第二十八期 廣告門

↓ 為 家庭 社會 個人 事業建設上惟一之參攷書良因山西百政維新

呂聯奎 楊百城 全啟

諸可借鏡 社萃英 擷華年刊一編數年以來荷承 海內外賢達推為山西之寫真晉政之年鑑 社至為榮 幸十五年的新出版了每册仍售四角 寄費七分 合購前三 期祇售一元五角寄費在內所費有限不啻遊歷山西一 週如承 函購請詳開姓氏地址送函本社李炳衛君照寄不悞郵 票代現不扣

山西晉民快覽社謹啟

社址省垣 新城街

一百十九

上海同德醫學專門學校新同德社
NEW DUNG-DAI ASSOCIATION
DUNG-DAI MEDICAL COLLEGE
MARKHAM ROAD, SHANGHAI, CHINA.

第二十八期 廣告門

新 同 德

醫 藥 月 刊

Neue Dung DRI

Medizinische Monatschrift

本誌為指導民衆衛生。介紹德國醫藥之刊物。

內容豐富。印刷精美。定價全年十二冊。一元

五角。郵費加一。茲將二卷一期要目列后——

「論壇」萬惡的舊式婚姻與醫學。醫生的道德論。改革我國醫學的澈底辦法。

「學說」返老還童之說明。女性美。衛生概論。男性生殖器虛弱。結婚與肺癆。

「醫藥」白濁何時認為痊。○。中毒概要。新醫治療之種種。梅毒△療法時之副症象及其處置

法。○「問答」問答一束。○「常識」打破親善政策。○「廣的自

述。○「文藝」月下吟三章。雲霞恨。雜詩數首。○「專載」

及「新聞」兩欄不備錄。

定報處 上海同德醫學專門學校新同德社

醫學選發 出版廣告 介紹人周小農 楊百城 趙意空
 慈谿費家市張生甫君著內外兩編內編係李君著新發明醫理外編係纂集
 前賢經驗每部八角特別優待醫林每部大洋六角六分掛號五分性道實學
 明性理大道每本大洋一角五分郵費加一毫購郵匯為妥郵票以一分至三分
 油帑夾襯封固掛號寄空函不復 總發行所浙江慈谿費家市張生甫醫室

山東膠縣良心救國社全體公啓

敬啓者同人因宣傳救國事件組織良心救國社以期以努力進行永久不懈凡我
 各團體各機關各界人士如有關於此類期刊或書籍等等之出版品務望每種
 賜下一份俾作南針而資進行是為至感至盼再者敝社仍不關彼事漠然無動於
 吾國人民程度太低毫無國家觀念雖以五世之悲痛似仍不關彼事漠然無動於
 中而敝社同人進行之艱難實出意料之外是以敝社現在決定一方努力宣傳
 演講愛國救國之旨一方極力提倡鄉村間社會教育之普及及敝社以為國家之
 強盛非保全國民性及其提高國民程度不可而此舉之入手辦法又非由普及鄉
 村教育保全本國民性及其提高國民程度不可而此舉之入手辦法又非由普及鄉
 定創辦圖書館數處以救十年為期自全縣而全省至全國普及為止凡本
 社社員均志願畢生從事於此以資補救今蒙敝社同人全縣而全省至全國普及
 文書籍貳萬餘冊報章雜誌數十種價值共約六萬圓業經本社公決定為本社
 第一圖書館即以逢氏圖書館為名以資獎勵此後如有捐書者所捐書籍之價
 值足五萬圓之數者即另立第二圖書館而以捐書人之名或姓為圖書館之名

第二十八期 廣告門

一百二十一

第二十八期 廣告門

一百三十二

焉至於其他登報鳴謝等一切詳細辦法另有詳則可閱茲不贅述惟敝社同人
 心助則更爲力不足滋特徵求鼎力特別贊助如蒙加以書籍或期刊等出版品之
 助者務乞賜以介紹以便接洽則敝社更感德不盡矣臨書企盼不勝懇切待命
 之至如蒙回件請直寄山東省膠縣城良心救國社逢氏圖書館收即可特此奉
 達敬頌台祺

再啓者敝社此次徵求之範圍極廣毫無限制無論所捐助者爲何類何種及新
 舊完缺雖片紙隻字破報殘簡亦一概歡迎而萬分感謝者也久仰先生熱
 心社會事業素以指導後學領袖與論爲國人所敬佩務乞不吝珠璣賜以特別
 贊助並盼廣如介紹期收腋成裘衆志成城之功此則惟鼎力是賴矣敝社同
 人久耳鴻名識荆無自臨風翹企仰止曷勝倘蒙不棄加以提携則豈不勝迫切
 人應刻骨銘心凡此後之受賜者無不感激大德於無窮也專此奉達不勝迫切
 待命之至肅此敬頌

勸捐新書

周筱農君來緘囑登

馬克司爲最高學說哀多益寡稱物平施井田主義大同可期宜乎學界風靡抵
 掌研究也諸君有有共產黨執行委員會宣言書一切共產書籍乞郵寄以下三
 處詳細地址當有收據回奉或以相當書籍回贈
 北京總商會正陽門外西珠市口奉天總商會潘陽城內鐘樓南大街上海總商
 會圖書館上海鐵大橋北天后宮間壁永久保存共同研究也

崇德醫科大學
新同德社出版
新 同 德

一名「崇德醫藥月刊」

(宗旨) 專門介紹德國最新醫藥知識指導民衆衛生

(內容) 分評論學說醫學新藥介紹常識衛生醫事新聞文藝專載等欄多七萬餘言

(定價) 本刊用道林紙精印每月一冊實售大洋二角全年十二冊兩元郵費加一

(總發行所) 上海 麥根路 崇德醫科大學 **新同德社**

第二十八期 廣告門

一百二十三

第二十八期 廣告門

一百二十四

中華民國十四年十二月二十八日出版

編輯兼發行所

山西太原省城新民街即精營東二道街北首門牌第一號
中醫改進研究會

信實進取愛羣

一 意 注

本雜誌每兩月一冊全年六冊如承訂閱請寄現款郵票代價九五折扣以三分以下者爲限

表	目	價			
零	半	全	年	年	年
售	年	年	三	六	六
一	冊	冊	冊	冊	冊
冊	冊	冊	大洋一角五分	大洋四角	大洋八角
費郵	費郵	費郵	一分半	四分半	九分

二 意 注

本雜誌爲提倡醫藥學起見凡有著名醫家及經驗良好藥品願登廣告者列表於下

目	價	告	廣		
四	半	全	頁	價	
分			數	目	
之	頁	頁		兩	
一	大	大		月	
大	洋	洋		一	
洋	二	四		期	
一	元	元		半	
元	大	大		年	
大	洋	洋		三	
洋	五	十		期	
二	元	元		全	
元	大	大		年	
大	洋	洋		六	
洋	八	八		期	
三	元	元			
元					